



斗粵錄

五言古風

武成三首

倫以諒 通政司參議

其一

玄豹恣冥谷封狐據重岡  
藜藿久不采途路藜  
以荒歲月積既深跳梁日縱橫  
赫赫皇司馬奉命來遐方  
九伐升

天威三軍氣倍揚選鋒啓先行  
握機爲之張山靈肅嚴衛  
川后趨徬徨蠢爾草獷跡營魄  
倏以喪叶

其二

迺陳左右行吉日期以誓奇伏若鷲潛陣結比  
 魚麗草木生殺氣風雲助形勞四道倍深入秘  
 略靡不濟老香名山搗其巢白水紕條奔潰渠魁  
 既戢馘殘孽亦縲繫司馬方傳言大旅忽旋旆  
 佳兵不可常來復迺為貴

其三

金風動四郊時雨亦沾澤凱歌互相答上女生  
 顏色六月興王師取殘豈云棘烈烈皇司馬文  
 武垂憲則士卒避誠言將佐宣膂力南山高嵯  
 峨滄海深匪測元勳紀磨崖碩德決遐域迂儒

慶雲作詩豐績千秋祀地海若應諦識

頌武成一首

吳章都察院右副都

聖人握金鏡鴻私彼八荒在宥體衣照擊蒙因  
 素商我

自秦山夏虛已用賢良推轂違南楚仗鉞總炎方詩

書謀却殺刀佩歸玉祥坐鎮揚天惠海山寧且

康云胡彼小醜負險恣陸梁司馬赫然怒玉帳

飛清霜分符張組練授律掃欃槍蹂馬封狐穴

獵俘山鬼鄉京觀既嶮崒斥候遂虛涼湛湛露

方泄悠悠風有光千城服絃誦萬井恬耕桑績

懋脩名立恩覃惠化彰銅柱相輝映海波難再  
揚伊余沐休德企仰豈能忘短謹愧昌頌庶心  
徵旂常

平粵錄

五言律詩

武成二首

其一

天欲扶

明主松祥降哲人中丞爽問俗南國盡回春銅柱勳  
名舊金甌姓字新留公聊信宿四海望洪鈞

其二

捷報聞三殿功成仰六韜應知臣節勵能慰  
聖心勞身比南金重名齊北斗高中興頌申甫無用

倫以諒

效蕭曹

平身錄

五言排律

武成一首

聖上念遐哉安危寄重臣  
指麾資白羽談笑靜黃巾  
周雅歌元老義文贊丈人  
五兵千騎合八陣六  
花陳豺虎潛郊外鯨鯢息  
海濱桑麻登藹藹家  
室慶漆漆積霧開曾漢  
甘霖徧九垓健兒歸盡  
速思婦夢寧頻露布馳

丹闕

天書下

紫宸

綸音銜鳳鳥名姓甲麒麟文武無人策忠貞報  
主身拜麻

宣召近歸國秉衡鈞

頌武成一首

吳章

信宿東人意公歸秉國鈞勳名千載烈忠孝百  
年身廣廈登梁棟清時睹鳳麟調羹待柳萬補  
袞近

楓宸

聖主離明獨康侯晉接頻至仁那有外兼濟轉無垠

厚澤覃江漢微涓陋洧溱胡兒驅北漠倭豎息

東濱海內兵戎戢

朝端禮樂陳登樞成大老推轂蓋賢人未可懷私

第何言慕角巾

殊恩等

天地大義切

君臣他日并州念休忘百粵氓

賀越中平寇

俞維屏布政司叅政

文武萬邦憲何人吉甫同中丞專執法司馬復  
無戎象郡千山抱羊城萬水宗兩藩雄節制百

粵仰祈蒙鯨鯨仍多難龍驟欲靖究方當飛檄  
急因切望元制同俗生成日出帥掃蕩風備禪  
奔走外經略又談中立慨嘆雲黑揚威野火紅  
朝曉拂劍去時聽龍心夜夜氣銷雙石散聲動  
白翠誰云遺易兼早已泮煙烽結器皆銷甲漢  
池世山守靈業走野老樹中任山節節空祥雲  
流澗回龍日龍壯哉光前龍殊業管為雲露布  
傳 殿

八書一

九書

賜柳試其歸熱齊考新工虞表勞施繪畫然笑勒功  
不十着擁腫推救倚階岫

嶺之西南曰龍遼錯寇賊醜醜者有平時出  
剽掠四境宸撼我

督府司馬中丞相公十翁至祇奉

大司大輿師而殄滅之前後三閱月俘馘四千有奇

民始遂寧居自十年所未親見此其幸惠生

靈誰謂其不談笑沮且忠信甲冑而助並軋

申也行將端揆入何圖彤雲常必有繼吉甫

伊如之頌而無事鋪張者顧維屏誤拔用軍

中熟承方略不能不敬述以頌功德敢以詩  
云

賀平寇一首

王國楨布政司參政

南國無雙士

中朝第一流虎符無制閫燕領會封侯手握三千  
界威行百二州麾旌雲電合仗鉞鬼神愁荒服  
聲名被殊方職貢脩胡然聯黨與不自省譽尤  
負固忘耕鑿操戈作寇讐山廬悲蕩析士女痛  
度劉苗扈原仇夏荆蠻復抗周能無軫深念曷  
不戒先憂定策卑姑息安邊是討搜風霆驅號

令水陸峙糧餼韜畧掄時彥材官檄海陬重關

羅虎豹四境擁貔貅

廟算真全勝

天誅不可留先聲震遐島殺氣橫高秋  
燄類今何在餘生焉所偷  
颺颺隨地掃魑魅一時收  
里巷騰歌舞郊原散馬牛  
台光呈上相杖履落旌頭  
仁者本無敵高賢自家儔  
何須驚絕盛不必事傍求  
念昔叨樞筦無能展寸籌  
委身趨粵徼竊祿附華騶  
已負懸弧志仍堪多壘羞  
封疆效奔走晝夜奉諮諏  
不鄙書生見容參帥府  
謀豈徒陪

至飲端亦荷

王休鑿鼎標新勛旂常紀壯猷無勞問終請何用學

班投雅望歸臺閣蜚聲動

第旒縣知鳳城裏高結塔英樓

恭賀平粵

汪球 布政司叅政

清朝名世出千載復生申文武才無備天人學自純

崖芝岸節制巨鎮藉經綸聿念遭荼毒爰謀剪

毒松檟常獵虎列禦禦鸛鵝陳勝算驅蠻域先

聲動海濱封狐空掃穴遁豹盡歸嶼嶺道烽煙

息山剝草木春耕耘仍是舊歌舞煥然新霄漢

無纖疔瘡戒不再呻薰風斯并物時雨正宜民

露布馳聞府

綸音眷重臣

恩光昭日月勳績耀麒麟

密勿需調鼎明時賴秉鈞汗青垂姓字中外仰瞻

紳竊幸躬逢盛無詞頌至仁

七言律詩

武成二首

其一

百粵山川歸巨鎮十山人物重

清朝風虎節從天下嶺嶠狼煙蔽地消江漢功高  
周召虎革夷名滿漢嫫姚昌黎已擬淮西筆誰  
謂南州紀頌誰

其二

兩年擁節方隅重一怒揮戈嶺徼清坐見

聖人能戡亂始知儒者善談兵  
鷲車春徧妖氛息鯨  
海秋高卿月明已羨磨崖勲業在更開麟閣待

題名

武成三首

吳章

其一

分陝曾誇德望隆又承

天詔撫炎中行營自昔推裴相開府于今見庾公金  
柝聲中邊色冷羽書飛後海雲空何人為徙燕  
然石勒取平蠻第一功

其二

紅日正元只剪犀犀到  
卿月浮關河備賭德  
下招邀盡請纓自是仁  
人流澤遠坐收笳鼓事

耘耕

其三

麟符斜北鷓鴣表司馬勒兵勅海陬一代勲名  
歸相國萬年江漢頌

聖猷威夷此日知方叔存國何人是子牟從此太平  
歌舞徧江山如洗瘴煙收

武成三首

倫以詵南京兵部郎

其一

平曠玉節新開府上相威名草木知日月長光  
周上宇風雲遙護漢旂旗鬼方何用二年伐獫  
狁遠興六月師彝鼎所常勳伐徧漫將紘管被

聲詩

其二

兼資文武推無敵風骨才名重兩都昨日平曠  
方命將今朝鏡吹已禽俘風霜盡被江山肅山  
露漚回草木枯誰為磨崖千丈勒伏波銅柱不  
曾孤

其三

一掃欃槍四野清福星長耀德星明  
中朝此日登元老絕域當年問姓名自昔壯猷歸上  
將由來經世屬書生五雲在望三台近夜夜祥  
光擁上京

其四

穰穰茫茫四野生頌聲遙禱凱歌聲鶴鴉去日  
雲先陣貔虎歸時雨浣兵何處拜侯懷印返誰  
家少婦下機迎從今家室長胥慶更擬寰區盡  
太平

其五

健兒殊戰海東涯  
下瀨樓船縛呂嘉  
軍令分明占有制  
師行先後喜無譁  
千年貢賦輸周室  
萬里提封入漢家  
見說文書鈴閣靜  
晚涼新月對桐花

其六

續紛而縛出嚴城  
日暮傳呼早罷兵  
孟獲敢窺諸葛陣  
漢皇徐按亞夫營  
前茅慮中奔狐兔  
破竹威傳伏虎驚

殊錫定辭金印寵  
祇將蠲復乞蒼生

其七

迢迢新邑接端州  
形勝依然控上流  
樂土舊無三戶集  
畏途今有八方遊  
柔絃脆管紛來去  
樵詠漁歌互唱酬  
總是昇平音調好  
誰將新譜一時收

其八

蠻煙瘴雨四郊空  
緩帶輕裘指顧中  
飲御祇應張仲在  
賭棋那與謝安同  
先聲倭豎魂應禡  
轉戰胡兒技亦窮  
看取越裳通翡翠  
明珠先獻

其九

萬里芙蓉澤國秋而今不斷去來舟  
愁聞鐵鎖沉南海喜見牙幢鎮上游  
烽火不須屏作照嘘羶無復蜃爲樓  
共言閭象今潛迹好護魚龍窟  
宅洲

其十

翠壁紅泉草樹香萬山煙霧曉蒼蒼  
昔年魑魅歸何處今日風雲護此鄉  
射石未能忘虎視搏狐猶自薦鷹揚  
劫來到處堪行樂水宿巖觀殊未央

其十一

莫府供張綺席開黃封新拜上尊醅  
投醪每切軍中念推食仍憐部下才  
壘鼓鳴笳休噉噪鳳謳鸞唱楚徘徊  
兩藩文武衣冠肅總爲蒼生壽一杯

其十二

向來字字傍思歸報

上恩深願却違瑤島日傳青鳥信  
鋤山時望白雲飛北望蒼草宜千葉  
南國甘棠定十圍但使陽和敷百粵  
何殊庭下奉春暉

其十三

松臺移鎮薄綢繆總為蒼生畫遠謀

三錫已知承

春命一心仍未解先憂北門莫訝萊公去南國還期

召伯留聞琢端溪新石硯細書民隱達

宸旒

其十四

匡山舊跡說岡州祠宇江邊百代留此日神威

應擊賊當年高義尚橫秋白沙遙望賢人里紫

水猶餘賓客樓武畧罷張文教洽向來家學溯

源流自注有嘉會樓

其十五

桂水梅山處處春遐方歡睹物華新周時自昔

歌元老義畫從前贊丈人隴上耕牛方出牧華

陽歸馬莫逡巡打球十對紅粧女不遣軍容入

國陳

其十六

中原華族世冠簪夙昔文章授史談八面高壇

懸日月千軍雄筆掃煙嵐陳謨每寫臺中奏授

算仍開

殿上白莫府一時書記集好傳新刻遍江南

其十七

聞聞伐鼓大軍回露布喧傳倚馬才將領競瞻  
龍節入生倪欲擁驚車來馬前細草下山軟道上繁  
花幾處開何似陽和布深谷八方民物已春臺

其十八

漢家休問霍嫖姚百粵妖氛已盡消熙解重登  
虞夏世忠貞長奉

聖明朝麒麟圖像歸黃閣鸞鳳

徵書下赤霄青海黃沙千萬里玉關從此款天驕

其十九

三輔才名海內稀捷書前日上

彤闈畫能留足得淹留從亦為惟應侍

袞衣

紫禁兩行鸞鷲集碧梧千樹鳳凰飛嗟余棲息鷓

鷓意願附雲霄羽翼歸

其二十

方叔謀猷光吉甫汾陽勳業冠臨淮

天生才俊需時川人望華夷到處諧麗日輝光占泰  
運和風披拂見春懷江南落葉驚秋暮憑仗吹

七言律  
平  
金  
上  
五

玉階

其廿一

屹屹長城倚十山仰窺霄漢若爲攀分明百雉

金湯勢咫尺

雙龍觀闕間玉券丹書榮

國寵火城銀燭待

朝班祁連會取燕支破重勒燕然姓字還

其廿二

處處歡歌奏凱聲犬羊巢穴萬山平烏鳴樹裏

窺過旆猿飲江邊那洗兵叔子自應垂綬

軍何必請長纓戈船下瀨俱休問已識凌煙閣

上名

其廿三

赤眉散盡黃巾滅父老歡悲處處心霧歛層崖

應見日雨行六合總爲霖山禽晚下莎汀淨野

雉晴依麥隴深聞說放牛隨地好綠林真已變

桃林

其廿四

遙聞鹵簿駐端州豈是中軍鎮上游總爲

玉書思報

主不因金印羨封侯日將幽在詢黃髮時遣平安慰  
白頭惟得祥光天外滿七星遙望婺星浮

其廿五

越娥三五米桑行總是詩人鏡聽情從此寄衣  
詩莫賦向來織錦句還成南金北毳紛綸賜西  
舍東家宴笑聲邊徼長無離別夢祇應田畝盭  
春耕

其廿六

四郊甘雨晚祁祁正是西成欲獲期已喜農區  
資滌蕩轉看田野樂恬熙漢家渤海同今日鄭  
國萑苻異昔時從此滿山荆棘盡春風良木長  
脩枝

其廿七

細柳營中盡解刀貔貅鼾睡角弓囊人間萬戶  
初安枕夢裏三軍尚戰袍鈴柝響沉風漸細管  
絃聲引月初高相公燭治官書勅猶爲蒼生永  
夜勞

其廿八

窮谷枯崖處處春依然風物一回新道傍細草

能迎客林外幽花解笑人  
薊北莫誇千里馬日  
南今貞九真麟江湖流落空  
遲暮慚負雲霄報

其廿九

九月聊登粵秀臺中原幾處尚氛埃  
空聞使者徵兵急未見將軍報捷來  
漫拾丹楓書句好還因黃菊醉深盃  
昇平日對鄉園樂無復江城戍鼓催

其三十

父老閭閻時共語追思弘德太平年  
牛羊徧野桑麻茂雞犬相鄰里  
閑聯五校甲兵長不試萬家兵壯盡于田  
惠風已掃妖氛息更徧南薰入極天

賀平寇一首

王國楨

炎氛何幸一朝清

帝遣元臣惠再生錫祉共瞻周上相  
攻心端合漢名卿輝煌汗竹平生志  
蔽芾甘棠不世情亦荷栽培同雨露  
願將忠赤答昇平

平粵錄

七言絕句

賀平寇十八首

王國楨

其一

粵南形勝萬山連  
羣醜橫行莫記年  
一自中丞持虎節  
不教邊塞起狼煙

其二

羽書捧出

大明宮馳道傳宣嶺  
海東爭羨令公居  
闌外元知尚父在軍中

其二

漢家飛將盡鷹揚萬騎雲屯繞大荒但使蒼生  
安社席誰言千羽讓虞唐

其四

兩軍齊發嶺西南寂無譁百道分攻早建牙可  
是

下師真巧速魚潛于釜鬼投宜

其五

密霧昏雲畫不開虜人虛上望高臺  
天兵四集重巢破都是忠誠感格來

其六

亦有清軍與石平六將降名之餘生田米勸  
歸龔遂幾見南中負孔明

其七

崔嵬雙石似燕然勒就雄文勝簡編萬載千秋  
對寥廓何人不頌

大明年

其八

羅秀綠水大羅山聞說威名駭喙還不用提兵  
清百粵坐看傳檄定諸蠻

其九

遙聞浙海濤聲 非難同歸濟世材

聖主臨軒開色笑 東南露布一時來

其十

皇皇景運自天開 瀚海無波卉服來 小臣亦擬

平南頌願獻

君王萬壽杯

其十一

誰為羣盜盡良謀 貽得蒼生養虎憂 今日試看

招撫地桑林掩映備歌謳

其十二

鏖鏖將軍卷甲旋 滿車薏苡浪相傳 却憐銅柱

標功日何似金臺奏凱年

其十三

湟池赤子本良民 無那江山滿戰塵 想見泣辜

沾

禹澤特教發粟布

周仁

其十四

嗷嗷鴻鴈絕哀鳴 比屋歸來百堵成 猶為遺黎

深注念旌旌六月下端城

其十五

赫發明音諭百寮此邦生計甚無聊祇應一洗  
駟民政絕勝殷勤勸賣刀

其十六

白蒙天險本難升塘宅于今已駐兵二十四山  
同要害將軍又築下陽城

其十七

聞道徵書下海濱東都無復袞衣新共傳欲卧  
蒼梧轍還問

君王借寇恂

其十八

轅門一罷鼓鼙聲金鑠全拋事耦耕地遶蠻方  
爲樂國山圍嶺海作長城

平聲錄

凱歌十二首

李義壯都察院右僉都御史

其一

斧鉞朝臨百萬師  
龍爭河異羽林兒  
炎方冰雪

天正地白日風雷  
大將旗

其二

將壇深處一星高  
獨射油幢映戰袍  
鴉鵲舊傳

孫武陳大羊新辟  
呂虔刀

其三

春風十道鼓旗揚  
將略平生是所長  
休說貳師

能出塞何如充國解平羌

其四

誰將一劍擲西風  
迅掃鯨鯢轉眼空  
三箭不煩  
仁貴手七擒先拜武侯功

其五

伏波銅柱鬼神驚  
下瀨樓船日月明  
已制裳衣  
同卷甲不分煙火作疑兵

其六

踏盡千山與萬山  
春風吹送凱歌還  
是誰元夜  
重張宴已奪崑崙第一關

其七

磊落胸中數萬兵  
南山狐兔一時平  
龍媒散盡  
風生塞虎帳歸來月滿營

其八

雷鼓嘈嘈出會寧  
雲旗獵獵轉高明  
秋毫不犯  
聽歸市春隴無聲看耦耕

其九

六月榷榷獫狁平  
七旬苗格樂生成  
周宣虞舜  
今皇是志士仁人後代名

其十

平山瀚海一朝清萬騎投戈入柳營共道無私  
似時雨休言不殺是天聲

其十一

箐嶺茆谿森轟天刺桐花落起炊煙銀釵負米  
村村女竹笠燒畬處處田

其十二

五嶺旌旄淨一麾百年氛稜蕩無遺上方鑄就  
封侯印彷彿當年左顧龜

武成十首

士者歌

青青兮子衿小子兮成人絃誦兮詩書朝暮兮  
誦誦昔在泮兮獻馘今俎豆兮重陳自茲兮戢  
戈矢文德兮洽四鄰嘉唐虞兮如見樂雍熙兮  
永臻

農人歌

昔有田兮汗萊今余爰居兮始于田霖雨兮洗  
兵茂澤兮自

天優渥霑足兮錫我豐年銷兵器兮爲農銍耨兮孔  
堅是蔗是藜兮歲取十千輸貢賦兮給俯仰公  
私足兮予樂洽旃職思其居兮由來無愆

工人歌

居肆兮服勒飾化兮八材胥誠兮力作里門兮  
夜開指兮矢兮毋庸之棄甲胃兮毋攻之山有  
木兮予從之孰可梁且棟兮皮斷之登崇之明  
堂于斯清廟于斯億萬年之基

商人歌

即次兮懷資朝燕兮暮越戍于舟兮于行窮萬  
里兮利涉自今以始兮海不波揚信樂土兮疇  
云越絕餘腥兮翩翩若有人兮擊楫渡江兮中  
流濟巨川兮商之傑

漁人歌

擘鱗兮秋風掉于舟兮清漣朝雲兮夕煙下上  
兮洞洽鯨鯢息兮犀魚躍淵舉網得魚兮貫酒  
以酣孰釜孰饗兮釋彼小鮮萬類咸若兮神功  
乃全韶醴兮雲山款乃兮江澗太平之音兮誰  
復永歎

樵人歌

執柯兮礪斧取束薪兮山之阻勿剪伐兮良木  
摧樞櫟兮無不可猛虎遠去潛伏兮長蛇敢當  
道左樂莫樂兮爰得其所

耕人歌

舉耜兮取耒芄芄多黍種稼兮來年嘉殖兮  
無鹽曠域兮界火虎驅田豕兮豨驅碩鼠我耕  
兮代耨婦子兮至喜餘我兮飽我報賽兮受社  
大有年兮自今以始

牧人歌

驅牛下兮上隴隴之草兮牧被野兮青青連  
桑麻兮不凋以枯敗卒悉去兮我勞孔劬時芻  
秣兮峇起居牧事成兮我心樂且

征夫歌

執戈兮何艾昔行兮負勞伐鼓兮歌鏡入米歸  
兮于樂陶陶室家之慶兮閨里不驢安得四方  
兮悉如卑釋彼僕姑兮未藜

征婦歌

膏澤兮昔備理今朝兮變憂為喜夜上兮燈之  
花朝飛兮蟬子榮枯米歸兮歡娛具新孔嘉兮  
其惟樂具我婦兮我于米相保兮多祉光疇之

錫兮下

天上施福星煌煌兮南紀三台躔次兮聯光焯焯漆  
室兮何人予懷兮未已安得萬方兮悉如吾里

公在位兮佐我

天子

凱歌十章

馮承芳 戶部員外郎

昔成化初韓襄毅公平大藤峽改名斷藤峽奏

捷于

朝時大學士瓊臺丘公尚為殿講作凱歌十首寄

賀至今傳而以為故事今

大司馬中丞十山談公勦撫迭施奇威昭德積

功嶺南之功可埒斷藤峽生文學位望不侔前

輩第告近開府見聞頗真不改以聲聲自居輒

追步丘公原韻如數綴成志喜申賀且以備

風紀事者采焉

其一

分野妖星不復明黔黎從此得安生一朝露布

傳

金殿舞蹈揚塵賀太平

其二

長育陽春肅殺秋用兵仁義與同流關田石鼓

功堪紀刻石平山高過樓

其三

雙后那西險百層清藍諸  
蔓如藤我軍采入  
先爲主天助陰兵黑霧騰

其四

傳宣捷報自丹城

宵旰歡然靜養願要識四郊無對壘  
西北有韓

琦

其五

占今不恃其功助出計安邊

聖君今日凱旋何太速深知地理與

其六

後有談公前有韓軍功並立兩藩開  
其人

文中武父老皆稱善學

其七

畏途計載已全通萬姓歡呼及老農要識運籌

帷幄裏自成績表不磨功

其八

赤民道澤隱龍蛇驅放憑誰始有家出將奏功

頻報喜疇看入相拜黃麻

其九

夜觀天象泰階平知是人心厭亂靈不是安邊

經國手如何汗簡勒諸銘

其一

兵家校計集多聞欽至收功介散軍賣劍買牛  
民樂業將軍樹下不言勛

平粵錄

賀軍門大征旋凱詞有引

伏以華戎一統戴天履地盡臣民胡越一家薄  
海窮荒均管籍自蚩尤悖德武成涿鹿之擒更  
防風不庭爰有會稽之罰南仲勒兵襄瓊抗召  
康受命克淮夷固知姑息不可以言仁而安民  
必資於仗義矧在門庭之寇甚為心腹之虞經  
理張皇實非得已恭惟

大司馬大中丞十山翁談老先生大人門下吳  
中俊傑海內名儒襟度汪洋萬頃無涯闊水闊

英標卓越一時共仰錫山高學究天人詞源倒  
流巫峽氣雄楚越曾中富有甲兵

簡書鄭重自

天來節鉞專征開府事憫我兩藩赤子惟毒無辜懟  
彼諸邑紅巾操戈倡亂曰新會曰四會頻年慘  
禍奚堪曰新寧曰新興萬姓瘡痍未愈是用遵  
王之度聿陳問罪之師選將掄材鞠兵治旅有嚴有  
翼如霆如雷狐兔失隱伏之奸豺虎摧捭攫之  
勢驅馳五月擒斬數千萬姓又安賣劍買牛貢  
樂境四方懷德耕田鑿井自成風是蓋先聲雷  
望咸仰命出而今行布德實威愈謂義盡而仁  
至膚功

上報

寵命時臨佇看元老歸朝總與萬邦爲憲璫等叨屬  
下吏欣慶曷勝謹具蕪詞爰爲紀盛 詞曰

梧桐葉落驚秋偶聽得凱歌聲漫奏喜看酋虜  
盡成擒一時盛事真稀有健兒歸馬走絳毛  
吶誇功首却忘了發縱指示盡在軍門授明公  
自視何嘗有但願齊民消疾首只將忠盡答

清朝肯把勳勞頻自懋兩藩相慶手麒麟閣上丹青

候這功名揭地掀天肯讓鷹揚否

右調歸朝歡

嘉靖三十五年初秋吉日

賜進士第通議大夫奉

勅巡撫河南地方都察院右副都御史前提督南贛  
軍務總理蘇松糧儲吏部驗封郎中治生張烜

謹書

平粵錄

武成頌弁序

武成頌者何頌

大司馬十山談公而作也先是我嶺之南于寧

于會暨嶺以西抵于高明山谿盤錯寇賊動勦

積有禦人之心輒構讐邦之釁蹂踐疆土虔劉

人民蓋非一日矣斯固卿大夫士之所爲耻而

材官騎將之所爲憤也猗與我公邦家之傑以

二廣上公之重爲十乘元戎之先兵甲富于胸

中韜鈴運諸掌上爰恭承乎天討用大息乎民

龍駕顯允以宣壯猷勵嚴奠以共武事料敵制  
勝出入若神并變消明染冠禡魄既克百鼓過  
那西遂荒乎平山乃略關田滅古餘用清乎藍  
角謀斷決於終日氛稜蕩於崇朝乃以二月初  
吉春日戡陽卷甲東歸露布北上旌旗振而星  
上炎笳鼓競而風霜肅罪人既得時靡有爭

皇心戢寧人同不服市弗易而農弗變咸共樂於清  
明文以恬而武以嬉庸多受乎福祉肆開期門  
以饗羣帥即虜丘組而爵上公繡袞九章知信  
宿之無幾圖書數卷適勾當以遣歸威名震遠

於華夷勳績光垂於竹帛昔馬援之征制武猶  
藉下瀨之師而狄青之擒智高尚陳歸仁之節  
六字雖標於銅柱一衣未辨乎金龍視之我公  
今日苟以踰焉故君子曰斯後也天地所以定  
位日月所以照臨華夷所以峻防社稷所以奠  
又熒熒盛矣自非我公其孰能之義壯而江漢  
之章淵里已至于南海思磨崖之績貞珉未勒  
於西山顧伯面以何能謹齋心而作頌頌曰維  
皇馭宇萬邦之極莫敢不庭莫敢不格惠此中國以  
安反側未遠能邇毋俾作慝胡嶺西南好光朋

興爰自寧會以抵嚮明及彼新恩罔不有爭如  
苞如孽易背以生明明我公有虔秉鉞謀畫韜  
鈴肅又濟愆圍我黎萌罔敢或越其有不恭如  
逸衝鱗爰整其旅以作三軍匪以佳兵惟以亂  
民毋有厥家毋有厥身勗哉夫子其克有勳已  
乃陳師大奮厥武環甲平山揚旗石鼓用遏關  
田古餘之滸那西藍角四方無侮苞孽既撥公  
曰旋歸載紫弓矢載制裳衣不留不處駿發爾  
私逖矣南土其疇奠之公歸燕喜勞于多士多  
士咸言將帥是使將帥不居曰公畫指公拜稽

首歸寸

天子天子曰噫咸克厥功辟如逐鹿其疇發蹤

明庭論賞宜爵上公載錫鈇鉞遂荒大東自昔中外  
用均勞逸既陳介陋乃衡王室言返東山制禮  
作則矧伊我公德音秩秩德音逸秩于義于仁  
以謝鈇鉞以秉衡鈞胡女信宿閔此下民惟

帝念哉俾公宣旬公不其庸益樹元嘏既度止基乃  
徹疆土自時中又厥施乃普如彼伊周乃文乃  
武維山奕奕維水湯湯我公肇敏山高水長嗟  
我南國懷允不忘小子作頌敢告萬邦

嘉靖丙辰八月既望

賜進士第御史大夫前奉

勅巡撫貴州等處地方治生李義壯拜手撰

平蠻頌并序

嶺之南隸廣嶺之西隸粵廣之邑若會石寧肇  
僞邑若興若平險僻接壤蠻寇數焉比歲恣亂  
諸境騷動嘉靖丙辰春

督府大司馬十山談公征討之不半載嶺西南  
悉平於戲前代名臣得專制於方岳者奉天子  
之寵靈鏖銷夷醜奠安疆宇以樹無競之烈者

必有聲歌述作以闡發休美昭示將來今我公  
布昭神武保釐南國謂古之名臣非耶成下邦  
上著竊邇軍門覩勝略聆凱曲鑿鑿不誣而顧  
以謏陋自點于黯默之列則雖有鴻謨偉勩靡  
所徵信天下後世孰從而尚考之輒敢僭擬歌  
頌數百言爲飲至先聲備視風者采焉其裨官  
之遺乎 頌曰

於赫

天王德威萬方罔遺遐荒乃睥粵中孽孽豺兇蒼赤  
顛穹斗樞元臣代狩其勤安攘兼人維是喧囂

猱狴逋逃天誅自膏維是震驚會寧與平民岩  
靡懲門庭禦寇巨鉞天授恭罰敢後閫帥稜稜  
轅徒丞丞掃彼櫓槍如燿斯燔蓄鬻蕩殘底定  
嶺南如霆斯震魍魎斷殛嶺西改闢崇墉雲附  
十千其伍錫爾編戶崑岡玉列炎燼有秩範爾  
保甲蒐苗時旋化日仁天今茲何年伊愍叢蠻  
負獷戴頑詭開學端載軫苛牧激山歐谷那乘  
明燭不有大師千載一時傾否無期公真康侯  
幾微先憂縱橫壯猷人援沉淵或將眇眇我燠  
我烜人拔惡本或將悶悶我芒我刃噫嘻一怒  
柔剛山甫安危裴度六月功成臨滄洗兵與入  
更生未疇登塗輪堂負廬旄倪歡呼歡呼維何  
神武止戈貞崖可磨矧是推轂垣法星福奚思  
不服兩藩之先擒倭自虔膽破坎埏邇恪獻捷  
重瞳睿哲南顧是輟乃眷

綸降出將入相曰

主倚仗信宿衮衣帡之幪之廣被孔宜開府碩勳昭  
代罕聞韓談同倫賣劍非古桂銅在路曷不快  
覩予慙煩工繪大難容徵信無窮

嘉靖丙辰秋山西道監察御史治下高要晚生

陳九成頓首拜誥

奉賀大司馬大中丞宗師十山翁談老先生

平南粵劇寇頌 并引

皇帝軫念南土覈閱能臣特

勅命今大司馬談公秉節來鎮兩廣重能任也先是  
會寧新恩劇寇以負山行虛實有能格百姓苦  
之公至歲餘度其可芟而無害者於是赫然整  
旅駐節端州簡命佐偏授以方略不旬月而渠  
魁授首是役也民不知兵師不知勞真太平盛  
事也是不可頌乎頌曰於

王所懷維民之瘼爰

命帥臣茲究茲度度于

四聰枚卜羣工僉曰壯猷司馬談公公米而南亦蔽

珮簪坐鎮兩服佐善格頑頑獍爲梗惡其肆眚

爰擇虎臣熊羆維猛猛將如雲咸曰一心一心

伊何拯溺救焚焚禱巢穴執訊斯決左馘廼獻

塗彼黷血血刃旣繁安其倪旄驅縱特特載筐

耘蒿蒿野孔耘民曰聊生頌言司馬愛我諄諄

諄諄

明命允若賦政比于吉甫文武其靖靖茲南甸德威

于徧復于

天子膚功是獻獻發駿功殊方攸同宜珪宜瓚宜鬯  
宜弓宜馬斯招戎馬蕭蕭四野斯開木其舒條  
條彼桑梓蔭我並茨自今勿伐于庇耒耜耜農  
旣穀任我軸輻無警無虞載馳載宿宿耆服弁  
不戈不韃以矢頌言我公喜燕燕惟談公繁祉  
來崇

天子萬年實公之功

嘉靖丙辰冬治下門生張大猷頌首撰

恭賀平粵上勳頌并引

維粵嶺之西南緇曰濱海鯨波豺窟悉爲盜區  
成化間韓襄毅公奉

命督撫馴至季年始克底定迄今六十餘祀盜復滋  
蔓繹騷倍於往昔今廣弗寧部使者上其事

主上憂勞稔翁體

國匡時夙宏偉略

簡命總制廣之兩藩授鉞迅掃翁蒞鎮思混玉石重  
於用兵先事拊循思得龔渤海其人與共理焉  
以易刀劍之習旣而黠桀鄭士明曾黃狗輩負  
固不悛僭稱王侯擁衆四掠勢甚昌熾翁曰兵

威不加終艱率服亦子疇依于是殫思畢慮握  
機運籌先獲勝算而後召集諸將密授方略奉  
以徂征爰命彥宗以軍紀驗厲禁安殺僅三閱  
月而擒賊四千有奇生還俘虜一千三百餘命  
脅從可原者悉寬回治焉仁義並行惠威無濟  
助伐之偉經略之神饋輸之省僉以爲軼駕前  
烈惟時嶺海廓清閭閻樂業上以紓

九重南顧之憂下以普萬姓昇平之福而又際翁三  
載報政之期民皆舉首加額頌翁至仁祝翁遐  
福彥宗不佞功諸官師之後無能爲役謹據士  
民歌謠之言哀以上獻竊效九戩之頌云頌曰  
於皇我

明奄有八垠率土歸仁莫敢不庭曰維海邦逖嶮而  
荒狐兔鯨鯢時肆跳梁伊惟

先朝誕興師旅爰伐有年民方寧宇歲邈蕃息復嘯  
逞兇僭號稱王流毒四封

帝念元元惟茲慘酷

簡命我翁躬勤推轂我翁元老克壯其猷允武允文  
匪紹匪遊蒞我南粵匪即攸殘文德之敷先示  
舞于蠶茲苗民昏迷罔悟捶阮怙終自干誅戮

翁奮厥武師律而滅虜策畢舉兵威振揚振揚  
海國靡醜魄魄一鼓蕩平功收三月今以三月  
邁昔昔年偉烈奇勳毗後光前光毗之澤穀我  
士民士民歡聲達下

帝庭帝曰休哉嘉乃丕績宜其延登股肱

王室士曰卓哉爲憲萬邦翁歸不復世存耿光民曰  
仁哉覆我部屋翁歸不復世存尸祝祝之云何  
菲祿爾康峻陟阿衡永佐虞唐

嘉靖丙辰仲冬之吉廣東按察司僉事屬下吏  
經彥案頓首謹撰

平粵錄

賀武成啓

恭惟自古將相之臣戡定亂略輯寧邦家其勛  
伐奏於

彤庭功名垂於玉簡豐功偉績尊

圭庇民茂烈英聲蟠天揭地固云盛矣然必才人墨

客標揚誇詡操觚翰以紀於帷幄勒金石以播

其勳勞而後盛者有傳焉故淮西平而昌黎獻

頌磨崖立而次山成碑蓋自昔然矣茲者我公

才全文武德備剛柔以九命之上公爲三軍之

元帥初蒞虔臺之鎮而比洽四鄰嗣膺總制之  
權而肅清二廣適蠶茲醜虜安與大邦之讐遂  
戒爾戎兵得卜丈人之吉貔貅擁盾鐵騎成羣  
風雲掩映乎軍容草木頃增乎敵愾使數年氛  
孽蕩滌於崇朝而萬里煙塵廓清於一旦士女  
獲歸乎樂土玉石尤辨於崑岡伐罪弔民反亂  
爲治章等山林野士巖穴鄙人慶四國之旣道  
知萬邦之無侮爰作武成之頌用昭文德之敷  
昔者采薇賦而多難平六月歌而王猷壯蓋惟  
二雅之旣振而後大烈之不磨章等昔託龍門  
過辱忻懽之惠遙瞻虎帳奚勝踴躍之忱雖不  
學無文愧詩人之大雅而有懷投筆慕宗慤之  
長風觀青海之無煙敢忘張愿觀玉關之不閉  
孰比班超所愧言有盡而意無窮尤懼言無文  
而行不遠伏惟因言得意納東人破斧之情比  
樂成聲見南國甘棠之愛若夫彤弓盧矢賚

寵錫於一朝

玉板金泥用褒傳於萬世則固有典

綸綍之職司汗青之寄者在焉而非小子敢擬者也  
干瀆威嚴無任悚懼

治生吳章

李義壯

倫以諒

倫以詵頓首拜

賀平寇啓

伏以田禽利執報大凱於師貞尊俎折衝藉元  
功於憲度山河增麗節鉞重輝恭惟

本部院臺下文武無資邁祖述中原之誓德威  
並著配姬公東伐之勳授方略於庶寮淨妖氛  
於百粵霜嚴震動澄清歸白簡之猷

天討宜昭安集慰蒼生之願維屏叨承任使更賴覆  
容謹掇俚言用頌盛美

屬下吏莆陽俞維屏頓首拜

平粵錄

賀嶺南海寇平序

司馬無御史中丞十山公節制百粵之二年有積盜伏嶺西之莽連絡新會溪峒四出焚剽居民大恐所司請討公曰嘻我視茲蠢若蟪蛄蚩沸于何弗殲惟是赤子若屬于楚拔之痛罔不省其何忍殲吾聞之也武不可黷寇不可玩玩寇黷武民用滋盜惟畜威德乃昭惟于備患乃銷辟則密其腠理何疾疹之能爲其尚曹伍相保毋我藩闖乃罔獠以蔓司禁受畫銜訓已於

事而竣乃命司械藥兜戟蘇甲冑弓戈固或有  
弗繕已於事而竣乃命司儲餼糗泉幣操其奇  
贏以充軍需罔或少漁於民已於事而竣乃用  
歛謀陳便宜以

聞乃命司戎集漢夷官軍兩江土軍分哨惟二列爲  
鵝鵠合爲魚麗以待彼之來惟險是扼已於事  
而竣乃命藩臬都帥各統其軍逗遛者治以律  
春二月師入嶺西諸峒盡克之虜盜日殲以降  
俘馘亡算嶺南亦如之迄夏振旅而還是役也  
費省獲多人百其勇師行所至不聞健步疾嘯  
聲且賴以奠枕公之功也伏以公固辭曰  
茲惟

聖皇神猷二子所繇以樹多也其何方之有二三詞  
諸公以告佐曰時雨之澤溥矣哉備請而勇奇  
而不失其正基于公仁故也勇則不攝止則不  
肆仁則不忍三善備矣故所向有成功夫孰不  
歌舞之然猶惇讓不居歸諸

聖皇之休烈猗與公之盛美豈有前乎是不可以無  
紀乃伴佐颺言公之不仁昭績風示于無極  
嘉靖三十五年歲次丙辰

賜進士出身中順大夫詹事府少詹事兼翰林院  
侍讀學士前南京國子祭酒

經進講官同修 國史 玉牒泰泉黃佐撰

賀廣肇合勦寧會武成序

惟上山談公肇蒞督府于爾廣甘泉子賀之云  
門庭之寇聞先聲而遠避惟時新寧峒賊劫駐  
高明上山公不予答其已默運成筭於帷幄之  
中而有決勝千里之志矣既乃召諸有衆出誓  
言曰維茲慶廣之區山峒險峻夙賊負固肆劫  
殺人癸未丁亥大征平而復興茲乃流劫諸境  
殘民殺官籍有名號抗捕官軍千戶黎輔等死  
之惟新寧新會惟茲石鼓那西平山諸峒數十  
寨隸廣州惟爾通判汪應奎上之爾其靖恭爾  
司爾不恭于廣之境惟爾弗職惟茲關田古餘  
清藍角諸峒數十寨隸肇慶惟爾通判呂天恩  
主之爾其戮力爾事爾不力於肇之境惟爾弗  
事乃會同鎮府總兵官王 行布政使丁以忠  
按察副使張英都司劉敕守巡兵備諸司惟議  
惟一軍器惟脩糧草惟備陸則惟馬水則維舟  
嶺南嶺西各分乃哨厥調狼目兵若干漢達官

兵若干合惟五萬有奇惟爾十夫長百夫長千夫長萬夫長各一爾心上統千百百統下千千統千萬聯絡莫破果爾心力爾衆惟一爾之弗一爾則有常刑惟時使司張叅政瀚益勵厥嶺南糧賞海道兵備畢克容益勵厥監督嶺南分守尚肇韶廣左叅將鍾坤秀益勵厥統督廣東都司署都指揮僉事王麟益勵總領提調分領小哨指揮馬鎮武尚文張啓元分攻平山等諸寨右叅政王國楨益勵嶺西糧賞按察兵備僉事林應全益勵監督廣西左叅將朱昇益勵統督諸哨指揮宋俊王煦何懋分攻石鼓諸寨期進剿兩軍夾攻慮虎多穴海南道兵備副使俞維屏益勵監督左叅議奚良輔益勵總理糧賞嶺西監督即王叅政國楨無之益力各視臨調度凡五月而成功海北兵備僉事經彥案紀厥成功凡嶺南嶺西擒獲共四千有奇何其速也甘泉子曰兵莫善於鷓勦尤莫善於大征大征則賊聞之而寒膽鷓勦則正道亦行而莫測今征得勦法功收萬全矣故曰兵貴神速迅雷不及掩耳也於是廣肇同知宗子周通判汪子

應奎呂子天恩相語曰吾等幸獲狡寇然非人  
功也人功上在督府乎其發縱指示之妙算乎  
乃同謁甘泉子文以賀焉時將奏凱軍門慮近  
賊寨諸村寧無玉石俱焚惟餘惡未殄其命有  
司立保甲別善惡據要地建營堡設兵防指揮  
統之以制其變且擒且撫以絕其根廣肇之民  
其永有賴甘泉子曰善哉此又超出戰功之上  
也宜序而稱賀焉夫功固在此而不犯在彼也  
嘉靖丙辰歲六月吉日

賜進士出身資政大夫前南京兵部尚書奉

勅參贊機務國子祭酒翰林侍讀同修

國史 經筵講官

賜一品服九十一甘泉生湛若水撰

奉賀總督兩廣大司馬大中丞卞山談公平

寇序

訖嘗讀書至甘誓誓誓之詞作曰先王於用兵  
之際何周慮詳戒若是哉蓋其慎也又嘗誦江  
漢六月之詩追慕于時人才之盛若吉甫方叔  
召虎之傳豐功偉績至今道之不衰復作曰茲  
非天之右周者哉于生才見之矣

明興二百年于斯熙洽極盛玩弛因循中州比遂多  
事其在吾省寇盜尤號充斥而廣州新寧之寇  
祝諸郡尤劇負固弗悛大爲民害州縣至不能  
支云先是兩廣巡撫闕

詔選大臣有文武材猷德望夙重者往領厥任簡在  
帝心夙謀悉同我十山公寔自贛州移鎮于茲一時  
朝野動色胥慶得人矣公蒞治未及逾年百度  
修舉萬姓悅服公恒以新寧積寇爲憂會前部  
使東山郭君所上疏下

無收羣策獨斷諸邑於是選將徵兵自將中軍  
左軍右軍元帥偏裨至于千夫長百夫長之任  
悉惟其人分布部曲魚麗驚行三軍一體臂指  
相屬爰集有衆戲下示之曰凡我將士必勇必  
協一鼓成擒共剪民害用命者賞不用命者予  
其罰曰兵貴神速毋或逸賊俾漏網于茲邑貽  
戚于他方曰火炎昆岡玉石俱焚聖有明訓罔  
或及于無辜罔妄戮一人曰餽餉以時期而後  
至者懲之曰上功莫府不當級者覆讐辜之白  
羽之下將士咸就約束指揮唯敬唯戒於是致

師直搗深入奮先登之勇略倚角之勢前茅得  
雋凡數閱月寇悉平凱旋飲至以數軍實遣使  
循行郡國平定安集民始識生人之樂欣欣然  
若更生云或曰新寧之寇根據有年矣公何奏  
功之速哉曰公自視師百凡供億徵發調度與  
山川要害道路險夷一切方略皆悉心淵謀指  
授羣下廼捷曰曩時川師悉拘文法文移往來  
動經累月謀是以洩公獨不然籌畫機密即左  
右無預知者乃捷曰公唯至誠視民不得其所  
一飯不忘食不下咽又推心置腹將領感奮效

用乃捷誥曰子之言悉然已然猶未深探其本  
也夫不曰事豫則立乎不曰信在言前乎公昔  
在霸時知今日事勢用武爲急而統綈之子未  
悉知學也乃刻孫武子書頒布人授一編俾之  
誦習至是將師得人爲多茲非豫歟古之兵出  
於萬全何也彼其不得已之意民信之也公初  
出令許寇自新惻怛之誠溢于言外迨怙終稔  
惡貫盈莫贖始兵之非信在言前歟若此者與  
古之辭命甘費之誓不一揆歟今茲之績寔是公  
餘事未足賀也方今倭寇未悉平而北虜時有

警

天子報功之典立下拊髀之思方切公且入輔悉安  
中原汎清六合朝貢四夷江漢六月之詩不嗣  
音振響於今日歟詵又聞古稱論將曰悅禮樂  
而敦詩書記亦曰班朝治軍非禮威嚴不行公  
本世家先大父秋雲公爲一代儒宗尤邃於禮  
詵嘗見翻刻禮攷即大小戴高堂生之學何以  
加諸公承家學出其緒餘以爲世用固有此歟  
夫真儒之用自別昔夫子居嘗對衛君則曰軍  
旅之事未之學也一旦夾谷之會請具司馬以  
非真儒無敵於天下之明效大驗哉公誦法孔  
氏聖賢之學不徵於此哉夫三代之兵若時雨  
六師雲集曄曄如霆既而甘澍隨之  
蕩滌滯足優渥滲漉是生百物以爲人利震耀  
生殖天之道也惟人亦然事定之後公必有訐  
謨長策表良吏去苛政與鄉之并植疆梁困苦  
小民者嫗煦撫摩愛養休息惠安元元爲吾省  
千萬年康乂無窮之利又溥此惠霖雨天下當  
洗甲兵於不用雍熙泰和之景載觀之矣非斯

人之厚望其儲之全功哉公屬下新寧江令汝  
生之簡更而才不令於時當改官去公檄留供  
事至是不以說爲不敏微言致賀觀公用人盡  
下如此宰相之度可知矣其成功也宜哉因并  
著之云

嘉靖丙辰夏月上吉旦

賜進士出身奉政大夫南京兵部武選司郎中前  
禮部主事治平晚生倫以洗頓首拜手書

賀平賊序

惟大司馬中丞談公鎮百粵之明年庶官率職

人物和治敷宣

上德罔不暨被第會寧新恩山谷之間有盜未靖民  
害其鋒羣然赴愬咸曰征之便公曰我知其然  
顧予始政未先化導而事征殺殊非撫綏之意  
於是檄諭之曰爾有逼于威陷于誤者歸予  
其聽爾有困于饑寒苦于征歛者歸予其聽爾  
有悔于罪戾相擒相戮以歸者予其聽爾迺不  
歸予其大征爾弗可悔既閱月羣盜怙終罔有  
報者公怒曰是不可玩乃以用兵請于

朝旣得

命則訪險要閱將吏調士卒商財用出奇運機命臬  
司官一人統攻戰以武將官副之惟其人命藩  
司官一人統糧食臬司官一人統功次以府州  
縣官副之惟其人命南師由新會趨新寧越新  
興而北轉而南會于恩平界命西師由恩平望  
陽江歷新寧而南轉而北會于新會界公授以  
方略則其算若神罔有不中授以節制則其行  
若止其動若靜罔有不戢授以調度則其賦若  
餘其後若趨均而豐有序而逸罔有不給初敗  
賊於石鼓又敗之於關村又進敗之於茅舍敗  
之於森村敗之於石仁黃沙坑又屢敗之於平  
山牛角型那西冬瓜沖雞頭上峒苔村懷寧占  
餘石狗入于巢竊追于山迫于深險凡破寨五  
十有奇斬獲四千有奇餘悉面縛以降公復命  
撫之全其生星分而居之謹防其變兵自疾病  
外不損一人民不冤一人閭里恬嬉耕不變而  
市不止若罔知有兵者事始于丙辰歲之正月  
旋於是歲之六月既飲至邑尹熊侯以公用兵  
始未飛書抵如土曰惟公奇績甚多莫可悉述  
但請舉其尤大者始嘗懷之是致是附之仁也

既則誅之是絕是忽之義也終復全其生而謹防之仁義之並用也仁義之師惟三代之將太公尹吉甫方叔之流可以當之今

朝廷得大臣如三代斯國家盛事也願有言以爲公賀如士自惟衛邑人承茲大庇故敢敬述其事以備太常國史之采錄云

嘉靖丙辰歲秋月之吉

賜進士出身巡按直隸監察御史治下晚生莫如

士頓首拜書

武成序

國家最重撫臣之任首級寧甘肅宜大次廣東西次列省咸以才望夙著者碩名世可厭服中外者主之廣東西去畿輔八千餘里地遠遼狃獯山海之寇無曠歲尤爲負重而託力焉予自有知見以來都御史大夫少司馬司馬無慮十數易惟丘無錫十山談公最得體用兵遇敵亦間歲一嘗見而今年西山寧會之役視前此爲烈先是嶺以南若石鼓那西平山諸峒之寇嶺以西若關田古餘清藍角諸峒之寇交橫恣虐剽戮無虛日鄉邑震蕩公力諭之弗悛多方弭之

弗戢乃奉

聖天子明命赫然致討焉命藩臬閫帥諸大夫分布  
列哨督郡邑備所自執事選其尤者而用之時  
肇之兵僅以千計廣之兵僅以萬計適島夷作  
梗江淮徵兵於天下公召狼目兵三萬至以應  
之會夷稍斂公曰吾計得矣悉驅之以臨嶺西  
南莫不踴躍以行蓋遠攻不如近取之利樂於  
赴戰深入諸囑擒獲無遺俘繫至麾下咸曰吾  
濟以狼兵爲倭寇爾漫不爲備以至於此不然  
吾屬悉遜矣何以爲爾擒衆以爲公之用兵如  
神隱然自天而下殆若厲蕭斧以伐窮藎鼓洪  
爐而燎毛髮爾數十年宿寇一時蕩平旣繫戈  
奏凱復軫念民瘼思所以安集之令有司立保  
甲設營堠統以軍衛用戒不虞遐邇耄稚恃以  
無恐衆又服公智慮周悉深爲吾民計久遠不  
但徇目前苟安而已夫北却獫狁西伐昆夷南  
伸之威也柔惠且直採此萬邦申伯之德也公  
無而用之憲文武而保疆土邇古元老大將簡  
冊所甚稱述聲光烏奕于上下何以加焉然則  
吾人將以慶公之功也宜何如曰人之有大勳

勞利澤於人國者天必佑之福于其身及于其  
家若公之忠孝全節肆王太夫人永綏期頤之  
壽而昌而熾而千百歲無有寧公且安之益宣  
膂力展股肱以對揚

聖天子之明命承天之賜與

國同休公之福無疆而今名亦無疆詩有之魯侯  
燕喜令妻壽母非歟然則

國家將以報公之功也宜何如曰古之賢有德者  
君必寵異之賦政于外贊治于內式遄其歸以  
補王闕周公之所以惓惓留君奭者凡以閔天  
越民匪直恤其勞勩而已夫歷試而大受進之  
於根本密勿之地謨明弼諧定邦國之安危以  
爲社稷守實憲天命德之所有事自唐虞三代  
以還未之有改焉者蓋天之制也易之道也是  
故晉康侯用錫馬蕃庶晝日三接

嘉靖丙辰歲仲秋之吉

賜進士南京通政參議治下生倫以諒頃首拜書

武成序

大司馬大中丞十山翁談公蒞粵之明年粵有  
積寇公既討平之竣事奏功於是粵之縉紳大

夫士相與語曰公昔爲方伯保釐東土恩德在  
吾民甚厚今茲之役掃除百餘年之害而芟夷  
之去其根株轉吾民於陰厓寒谷而煦之春臺  
俾呻吟者息瘡痍者起其惠吾民甚大且軍興  
之初公親掄選文武大吏備裨統茲騎士快飛  
射聲騶發蹶荒之屬以從事諸凡調度徵發供  
億指授方略事罔鉅細悉出經畫甚勤出師未  
幾振旅遂聞民不告勞財不告匱父老居人咸  
謂前此未有其於土地之計甚悉事定之後即  
遣長吏循行安集流民來歸者無慮數萬人  
至策勲公不有其功而歸諸諸大夫若三軍之  
用命也其於克讓居美之道悉出由衷甚誠且  
至顧吾儕受賜無所表見吾情焉盍相與詣大  
府稽首載拜爲賀庶幾無德不報之指乎詵曰  
無庸哉無庸哉是焉足爲公賀夫是後也雖吾  
粵無窮之利然以公視茲小醜直杞肉釜魚圈  
虎之類爾奚足云哉方今倭虜未息深入長驅  
陸梁滋甚徵兵孔棘使者冠蓋相望於道是

天厭亂民思治而

主上宵旰焦勞之秋也當斯時也必得若古昔上之

爲呂望方叔次之爲諸葛武侯裴郭韓范諸公  
斯成救功公非諸公之儔耶行且

召用偕一二公以今施之吾土者經略內地中原  
俾吳浙之間惡氛盡息生民安堵紓

上南顧之憂而儷羨昔人之烈也茲時也乃爲公賀  
可乎無寧唯茲公世家儒宗允文允武

上且相公興禮樂煥文章潤色鴻業鋪張太平選賢  
任良以暨兆民俾安厥田里養父母長子孫咸  
至老嬉遊不識兵革躋四海於仁壽之域舉斯  
世於唐虞之隆而規恢萬世之策茲公優爲之

矣斯時也乃爲公賀可乎故曰予將有大賀此  
之謂矣於是中丞吳公輩曰子之論則然矣雖  
然公今茲之績即新息徵側之勲揚僕樓船之  
役狄青智儂之伐猶不足方之是不容泯泯昔  
者周宣中興討伐奏績咸有聲詩紀諸雅頌吾  
儕益矢音韻徽彷彿一二以儼六月江漢采芣  
之篇仰乎於是縉紳諸大夫士咸曰可哉二三君  
子咏歌之是即吾儕之同聲也已豈直吾儕民  
謠輿誦他日太師之陳輶軒之采史氏之錄  
巡狩之觀悉取於茲是即南國之同聲也已

嘉靖丙辰秋九月朔上吉日治下晚生倫以誥  
頌首拜書

賀大司馬大中丞十山翁談老先生大人東

征奏捷序

君子澤被生民功垂社稷樹芳聲於有永者惟  
純於忠孝者能之匪孝弗仁匪忠弗義未有仁  
義而後其君遺其民者也是故移孝于忠合一  
之道也我十山公其致一於是者乎公以吳中  
世家繼父志繩祖武科第紹芳而碩膚罔墜天  
下之人仰公孝德亦既久矣即公敷歷中外迄  
今三十餘年靖共不二秉直不回轍迹所至加  
惠於民者可紀也孰不仰公體

國之忠是公盛德久著于寰區威望素馳于遠服  
乃今以大司馬出鎮兩藩而人心之向風憲度  
之振肅視昔大有不侔者人徒見康功顯設若  
是其易而不知其有所本也夫會寧諸邑東藩  
之域也山壑連亘諸寇盤據斯民不勝其患公  
下車感額曰是尚可以緩視耶失今不拔吾民  
無遺類矣乃具疏得

請遂掄材選將分諸道監統料敵勢以嚴將士度支

犒費具有程約諸司將領咸奉指授以布令於  
有衆坐作進止罔或爽悖始按道而往也有聞  
無聲耳既對壘肆奮則三軍並力勢如破竹遂  
乘勝逐北如奔電之不可禦矣公之治兵奇正  
並用軍旅初集未嘗示以所之用是機事罔泄  
乘賊緩備而攻之是故獲捷如此其易是舉也  
秘密如裴晉公之擒蔡神武如謝安石之克淮  
淝淨掃兇殘如霍嫫姚之清沙漠觀兵於冬振  
旅於夏師不久勞財無多費擒斬首級四千有  
奇東藩之民獲安衽席行者歌于途耕者頌於  
野可謂無前之偉績矣論功進秩

國典有章吾無容喙夫公仰承

志在安民民安而職盡矣太夫人康居貽教亦  
惟以安民為心民安而太夫人之心慰矣惟公  
推親心以及民體親之心以上報吾

君而竭力以康又乎民是故事君不忠非孝也臨民  
不惠非忠也忠孝立而萬事理矣吾故曰功高  
澤溥以永終譽者惟純于忠孝者能之識者當  
不以吾言為迂矣

賜進士第通議大夫奉

勅巡撫河南地方都察院右副都御史前總理蘇松  
糧儲提督南贛軍務吏部驗封司郎中致仕治  
生張烜拜書

令旗令牌分投前去督調廣西鎮安思恩泗城向  
武等府州土官目兵并選調兩廣漢達官兵人  
等前來聽候舉事及行據整飭兵備分巡嶺西  
道僉事鄭東白整飭嶺南兵備僉事賀鏤各呈  
稱密切審訪過四會清遠等處地方稔惡村巢  
賊徒數目地里遠近險易合用軍兵多寡該取  
鄉導姓名及附近良善村寨應給旗榜護守等  
項緣由開具書冊畫圖貼說繳報并據廣東布  
政司呈該本司掌印左布政使魏良貴右布政  
使宋淳會同按察司掌印按察使林應亮帶管

都司印事布政司提督糧儲左叅議奚良輔并  
該道守巡兵備叅政等官張英等議照四會扶  
溪顧水扶黎大水蓮花葵柳等寨接連清遠縣  
大小羅等山山徑崎嶇巖穴險阻夙賊盤據其  
中往往出沒爲患撫之則陽順陰逆剿之則東  
突西奔邇來生齒漸繁徒黨益盛賊首李汝端  
馮天恩羅國相陳日進等恃其雄黠敢行稱亂  
虔劉邊鄙流毒鄉村民遭荼毒慘不忍言節據  
被害良民請兵征討時方有事會寧未遑并舉  
屢奉軍門德意諭令自新賊乃負固不服愈肆  
兇殘甚至僭稱名號招納叛亡攻圍寨堡敵殺  
官軍橫行無忌漸不可長迹其罪惡貫盈神人  
共怒此誠

王法之所不赦而

天討之所必加者也若不及今撲滅後將滋蔓難圖  
除應剿巢寨村分及進兵哨道該兵備道酌量  
查議密切備呈職等再行督同該府掌印官細  
加查訪分別明白另具書冊密封呈繳外所據  
合用糧賞軍火器械等項相應預行處辦合候  
呈允備行各該衙門查照作速舉行等因又據

廣西守巡蒼梧道右叅政汪侏僉事杜璉會呈  
節據梧州府懷集縣申稱該縣與廣東四會縣  
接境大羅諸山聯絡近年以來被四會賊首馮  
天恩等勾連大羅山賊首鄧祖勝等動輒糾黨  
數千於四會懷集包劫鄉村殺虜人畜燒燬房  
屋嘉靖三十五年七月初九日突劫下湖甘峒  
地方殺死總目王貴等十六名八月十七日又  
劫西水里等村虜去男婦百餘口牛馬六百餘  
隻傷死五十餘命嘉靖三十六年正月十五日前  
賊二千餘徒突出帶管巡捕吏目邢瑚分枝飛  
報各處男婦投寨一面督調白石古縣等打手  
鄉夫追截與賊交鋒在陣殺獲賊級七顆賊衆  
奪回前功殺死打手陳汝貴等十一名松箭傷  
黃國枝等二十名至二十日前賊遞退回山呈  
報到道爲照大羅山猺賊流劫各處稔惡多年  
嘯衆聚黨居民任其屠掠憑險負固官兵又未  
征討今蒙分布官兵於嶺南嶺西大征強寇而  
懷集適當諸山劫賊之衝兩哨入兵之路此夾  
攻尤易爲力伏乞多發精兵責成謀勇之將合  
勢進兵以圖全勝等因又據廣東清遠縣申據

迴岐驛驛丞戴以文告稱本年二月十三日被大小羅山強賊二千餘徒前來打劫將以文捆打劫去水夫銀二百餘兩鋪陳五副傘八把卷簿衙門燒燬家財盡劫一空殺死外母馮氏捉去以文并妻女義男大小四口以文走脫回縣并據迴岐巡檢川巡檢楊慶妻子氏告被前賊將男殺死分屍舉家夫男子婦家財虜劫一空只放氏回立限借銀二百兩贖命等情又據楊慶奔出回縣口告相同申報前來嚴督官兵追捕外隨該兵部咨該臣等會題前事本部覆議

台候

命下移咨提督兩廣軍務侍郎談 會同總兵官嚴督各該將領及守巡兵備等官協謀計議督率漢達官軍上官口兵人等相機剿除從宜撫定以絕禍本以安地方毋得輕率寡謀致悞事機仍咨都察院轉行巡按廣東御史將有功失事人員從公紀驗事寧之日具奏

定奪等因具題奉

聖旨是欽此欽遵備行前來隨將調到廣西各府州司土官目兵并見在聽調漢達官軍查照各官

所議分爲嶺西嶺南各左右共四大哨嶺西左  
右二大哨委廣東按察司僉事鄭東白監督分  
守高肇韶廣地方左叅將鍾坤秀原任分守柳  
慶地方右叅將朱昇各統督鎮安湖潤思恩那  
地田州東蘭安隆各府州司土官日兵并漢達  
官軍共三萬零二百九十七員名進剿磨刀禾  
倉坪扶溪葵峒梅峒大水坑等賊巢嶺南左右  
二大哨委廣東按察司僉事賀鏤監督遊擊將  
軍鄒繼芳廣東都司署都指揮王麟各統督泗  
城思明上林遷隆太平向武都康歸順各府州  
司峒官日土兵并漢達官軍共四萬零六百八  
十二員名進剿三坑茅葉坪何峒牛捲沙上下  
坪徑六羅山蕉坑黃坑上黎峒陳峒等賊巢俱  
差官齎執

令旗令牌督押剋定嘉靖三十六年三月十三日  
抵巢按巢撲剿及分發官兵前往四會鄰界廣  
西懷集縣地方把截仍行分巡蒼梧道僉事杜  
璉親詣嚴督截捕并行嶺西嶺南二道各兵備  
分巡等官及行巡撫南贛等處衙門轉行湖廣  
該道各嚴督軍兵并起集地方鄉夫委官管領

仍差官齎執旗牌帶領旗軍各於通賊要路嚴  
謹把截以防奔潰及照用兵例該約會巡按御  
史糾察姦弊紀驗功次時因新任巡按廣東監  
察御史徐仲楫未到地方行據廣東按察司呈  
委副使林懋舉閱視紀功及坐委廣東布政司  
左叅政張英總理嶺南哨右叅政王國楨總理  
嶺西哨各軍前糧賞又經具本題

知外臣備行湖廣該道兵備等官嚴督官兵把截節

據各哨監統僉事等官賀鏐鄭東白等各哨攻  
破巢寨擒斬功次等項緣由呈報續因僉事鄭

東白考察調任更委分巡海北道僉事經彥案  
監督續該提督侍郎談題准致仕隨該新任  
提督兩廣軍務兵部右侍郎無都察院右僉都  
御史王前來更代節據各哨監督僉事叅將  
等官賀鏐經彥案朱昇等各陸續呈將攻破巢  
寨及移兵截剿新安地方并懷集把截擒斬獲  
賊人賊級共二千六百五十七名顆俘獲賊屬  
二百三十八名口奪回被虜男婦二十七名口  
奪獲賊牛馬七十五頭匹賊仗二百四十九件  
通前共擒斬賊人賊級七千八百三十七名顆

俘獲賊屬八百五十七名口奪回被虜男婦五十八名口奪獲賊牛馬五百三十八頭匹賊仗五百三十二件解報俱經原任副使林懋舉審閱紀驗獲功官兵量行給賞陣亡傷故被傷者給與銀兩以爲坐坐湯藥之資生擒賊首陳世豪等解赴前來發守巡峇梧道右叅政等官汪傑等覆審無寃遵照兵部題

准嚴法令以靖地方事例押解市曹處決其餘從賊有詞可矜者監候勘問有年二十以下年力尚弱積惡未深其情可矜者備行各哨監統并紀功官各查遵照前提督兩廣軍務侍郎應

題

准議處生擒可矜從賊事例呈詳定發湖閩江浙各衛永遠充軍奪回被虜人口牛馬變賣價銀入械等件發回收貯賊屬人口牛馬變賣價銀入官及給示分發撫諭但有逃匿漏刃殘徒畏威改過向化聽招者許令投官審實督責里排鄉老領回安插去後查得別卷爲明時弊申大體以俾邊政事先該兵部咨該兵科都給事中胡叔廉等題前事內一款正功賞之議本部覆議

合候

命下移咨總督撫鎮官員今後遇有地方斬獲功級  
總兵官飛報捷音督撫總其功罪具實奏

聞巡按御史廉實舉劾等因題奉

聖旨都准議欽此欽遵備行前來欽遵通行在卷今  
據前因參照賊首馮天恩李汝端陳汝高李子  
厚等負固險阻僭號開旗種惡積禍荼毒一方  
殺人劫財戕害萬姓黨與日繁虐焰日熾數十  
年來亦曾夾剿不能損其一毛屢事招撫益足  
長其桀驁此誠神人之所共憤而

王法之所必誅者也即今四月之間倖斬已逾七千  
破巢二百餘處渠魁授首唯恐不遺地方之孽  
本既除神人之積憤已泄是皆仰仗我

皇上威振播揚

廟謨素定而各將士奮勇用命所致臣不過因人成  
事安敢言功除論功罪該提督都御史王 分  
別具奏等因又該提督軍務侍郎兼都察院右  
僉都御史王 題爲剿平稔惡強賊查覈功罪  
以昭勸懲事參照賊首馮天恩李汝端李子厚  
等負固險阻僭號開旗種惡積禍荼毒一方殺

人劫財戕害萬姓黨與日繁虐焰日熾數十年  
來亦曾夾剿不能損其一毛屢事招撫益足長  
其桀驁此誠神人之所共憤而

王法之所必誅者也即今四月之間俘獲已逾七千  
破巢二百餘處渠魁授首唯類不遺地方之孽  
本既除神人之積憤已泄是皆仰仗我

皇上威武播揚

廟謨素定前提督軍務侍郎談

指授有方各將士

奮勇用命所致職不過因人成事安敢冒非其  
功職惟用兵之要賞罰爲先激勸旣行功庸益

集自然盜賊可息民心獲安如分領小哨策應  
把截等項獲功原任都指揮宋俊及指揮千百  
戶等官馬鎮楊式李茂材等俱該巡按廣東監  
察御史紀駿功次照例覈實造冊奏繳施行外  
職查得嶺南嶺西二哨監督統督及總理糧賞  
等官僉事賀鏤經彥案參將鍾坤原任參將  
朱昇各官方略素定監督得宜信賞必罰而軍  
士感奮長驅直搗而險阻備嘗或料敵致勝而  
圖萬全之功或設策出奇而收一鼓之捷以上  
各官功爲最著俱當優錄而僉事賀鏤適緣將

領非人用心良苦經彥宋續又無理糧賞從事  
獨勞即能掃除大患安靖地方尤當首論者也  
廣東布政司左布政魏良貴議處賊情得緩急  
之宜督辦糧餉周轉輸之計在叅政張英右叅  
政今陞任王國楨總理糧賞處置得宜應辦周  
旋軍士獲濟按察司副使林懋舉閱驗功次法  
紀嚴明存削公當人心厭服廣西按察司僉事  
杜璉督兵截殺號令嚴明賊無逃藏功多斬獲  
以上各官功皆顯著所當並叙者也二哨協理  
軍務分理糧賞及委用軍前把截僉運等官

慶府通判呂天恩惠州府同知何宗魯韶州府  
通判今陞任戴有孚推官黃瑤瓊州府推官徐  
那佐崖州知州盛賚汝布政司理問所理問李  
譙高明縣知縣徐純新與縣知縣魏希賢恩平  
縣知縣陸湯臣廣州府番禺縣主簿劉叔芳委  
用雖有不同均之效勞軍務亦當通叙而通判  
呂天恩氣局老成謀猷練達協理軍務而經畫  
有條計料賊情而運籌決勝本官功實居多地  
方倚以爲安人心慮其或去查得肇慶府缺捕  
盜通判一員合無將本官量陞職級仍管捕盜

事務庶可慰民情而責後效地方不無少補也  
布政司右布政使今陞任宋淳按察司按察使  
今陞任林應亮今署印副使李遜廣西布政司  
分守蒼梧道右叅政汪侏廣東都司掌印署都  
指揮僉事侯熙叅謀協理深有利濟於事機發兵  
給餉皆有資於軍務各府縣掌印官廣州府知  
府陶大有陽山縣知縣李一德肇慶府知府盧  
璠高要縣知縣尹思廣西梧州府同知高仰懷  
集縣知縣翁芄英各以職事處辦軍需經營庶  
務要之皆勤勞

國事所當共叙者也及照先監督嶺西哨僉事鄭  
東白已經考察調任又該提督侍郎談論劾  
外統督遊擊將軍鄒繼芳輒熟之資循襲舊套  
署都指揮僉事王麟偏僻之性不厭衆心未剿  
先欲行招官兵因而懈弛臨敵各恃已見窮寇  
乘此逋逃每勤監督之官無行統督之事罪不  
可容法當重究但其一經切責遂能愧奮改圖  
嚴督官兵擣除巢穴計其部下斬獲功級頗多  
相應准贖者也廣州右衛達官指揮僉事楊寬  
險悍之資貪鄙之性先守懷集縱目兵之虜掠

而不能禁制暗分贓物繼剿蕉坑聽目兵之逃  
遜而不行呈報侵冒行糧廣西桂林右衛指揮  
同知舒煥犯罪立功假稱報効姦淫賊婦常與  
狼目爭風詐取官錢擅將票號私改事干違法  
功不足論相應重究者也及查各賊連年行劫  
貽患地方經該失事官員除已陞遷改調丁憂  
事故去任姑免論究外守備南韶清遠連州等  
處地方清遠衛指揮使鄭金哨守禾雲營堡清  
遠衛指揮陳鸚虎尾巡營本衛指揮同知李希  
勤跌牛石營廣州後衛指揮同知邵鏗提調黃

沙古甯等營肇慶衛守鎮四會後千戶所千戶  
趙階提調大坑大逕等營本所百戶余仁清遠  
衛掌印指揮使楊騰驥巡捕本衛後所百戶汪  
濂肇慶衛掌印指揮使盧金巡捕指揮僉事李  
益大守鎮四會後千戶所掌印本衛指揮使王  
璉巡捕本所百戶王旒肇慶府四會縣掌印知  
縣張文光巡捕典史曾練廣州府清遠縣掌印  
知縣何應宿巡捕典史林世義廻岐巡檢司巡  
檢楊慶韶州府英德縣巡捕典史朱儀均有地  
方之責殊無備禦之功任憑盜賊之縱橫而不

能督兵以截捕坐視百姓之傷殘而不能設策以救援俱屬有罪但指揮鄭金盧金各領兵征剿部下獲功二百名願之上功浮於過當畧其過而叙其功及指揮李希勛邵鏗知縣張文光何應宿典史曾練各督兵把截追捕獲功頗多功過相等似應准贖指揮楊騰驥陳鶚千戶趙階百戶余仁王旒汪灑典史林世義朱儀獲功數少與有罪無功指揮王璉李益大巡檢楊慶俱應提問如蒙

皇上軫念邊方用武之地

勅下該部再加查議將前項有功效勞官員酌議上請量加陞賞功過相等官員姑與准贖其獲功數少與有罪無功各官俱行巡按監察御史提問以警將來陣亡千戶慕宏軍人郭振均乞照例優錄則賞罰既明人心自知激勸盜賊自然消弭而地方可保無虞矣再照前項賊徒俱已平定然久安之策相應早圖除將調征兩廣漢遼官軍土官目兵人等量行犒賞掣放休息及行叅將鍾坤秀僉事賀鏜等酌量摘留目兵打手人等分撥緊關要害去處立營防守藉此兵威

之餘將各山逃匿殘徒盡行招撫安插復業候  
事體稍定人心稍安漸次舉放并查各被害地  
方量行賑濟投撫殘徒量行優恤并將設縣治  
立營堡等項善後事宜從長查議另行具奏  
定奪等因俱奉

聖旨該部知道欽此欽遵抄出送司查得嘉靖三十  
二年十二月內該巡按廣西監察御史陳善治  
題爲姦淫武官流毒地方等事叅劾分守柳慶  
等處地方右叅將朱昇貪淫暴虐接受女官瓦  
氏銀三百兩遂與通姦又受巨商放船買路銀  
二百餘兩虛報賊數呈索軍餉銀二萬安殺平  
人二十四功等項緣由本部覆奉

欽依行廣西監察御史提問又查嘉靖三十五年十  
一月該提督兩廣右侍郎談 總兵官王瑾會  
題爲捷音事本部覆奉

欽依將被劾聽問朱昇行原問衙門查照功次量減  
前罪奏

請定奪又查得本年十二月該前提督兩廣軍務兵  
部右侍郎談 題爲逆賊衝營劫寨燒屋立號  
占據逼降乞早加兵急救生靈大難事本部覆

奉

欽依移咨兩廣軍務侍郎談 會同總兵官征剿去  
後又查得嘉靖二十五年調兵征進廣西柳州  
府里隆地方該府知府江滿考察閒住事畢班  
師題奉

欽依陞一級致仕及又查得

大明會典內一款成化十四年賞陞功次事理報捷  
官舍人等以擒斬虜寇多寡爲等第七十名顆  
以上賞衣服一套九十五名顆以上賞鈔一千  
貫陞一級一百一十名顆以上賞衣服一套陞

試所鎮撫別種賊寇遙加女直二倍番賊苗蠻  
六部反賊十倍欽此今該前因通查案呈到部  
看得提督兩廣兵部右侍郎王 題稱廣東肇  
慶府四會等縣扶黎葵梅等山峒賊首馮天恩  
李汝端陳汝高李子厚等負險據巢招納亡叛  
嘯聚徒黨僭號荼毒一方劫殺戕害萬姓數十  
年來亦曾夾剿未一損挫屢事招撫益肆不悛  
隨該征調兩廣漢達官軍土官目兵人等行委  
文武諸臣分哨進剿用兵甫及四月擒斬賊人  
賊級共七千八百有奇破巢二百餘處俘獲賊

屬八百餘名口奪獲賊牛馬五百餘頭匹賊仗  
五百餘件副渠魁授首唯類無遺禍孽蕩平地  
方底靖乞要將有功官員分別陞賞功過相等  
者准贖功少與有罪無功者提問陣亡官軍優  
錄各一節爲照前項賊徒據險倡亂稔禍有年  
肆虐一方罪惡萬狀雖屢征討而恬不知畏茲  
仰仗

皇上神武布昭

天威遠播提督文武諸臣奉

命興師殲謀協剿甫四月而羣雄授首巢穴蕩平斬

獲數千神人憤洩厥功良亦偉矣所據效勞大  
小臣工及各有罪員役相應照例分別叙論以  
示勸懲除原任叅將朱昇奉有前

旨僉事鄭東白已經論劾罷職無容再議外如嶺南

嶺西二哨監督統督及總理糧賞等官僉事賀  
鏞經彥宋叅將鐘坤秀或調督有方而鼓舞奮  
三軍之策或備嘗險阻而運籌多制勝之功勞  
最可嘉並宜優錄內僉事賀鏞身無將領之事  
經畧獨勞經彥宋無治糧賞之司馳驅爲苦尤  
當首論廣東布政司左布政使魏良貴左叅政

張英右叅政今陞任王國楨按察司副使林懋  
舉僉事杜璉或議處賊情而機宜悉中或督辦  
軍餉而接濟有裨或紀驗而功無冒濫或督剿  
而賊無逃藏均當並叙一哨協理糧賞軍務及  
把截僨運等官肇慶府通判呂天恩惠州府同  
知何宗魯韶州府通判今陞任戴有孚推官黃  
瑤瓊州府推官徐邦佐崖州知州盛資汝布政  
司司問李譙高明縣知縣徐純新興縣知縣魏  
希賢恩平縣知縣陸湯臣番禺縣主簿劉叔芳  
共效奔走之勞俱有贊襄之力亦當通叙內通  
判呂天恩老成練達經畫有條地方簡毗居多  
人心係屬爲重似應量陞職級仍管該府捕盜  
事務以慰民情布政司右布政使今陞任宋淳  
按察司按察使今陞任林應亮今署印副使李  
遜廣西布政司分守蒼梧道右叅政汪侏廣東  
都司掌印署都指揮僉事侯熙協謀多濟於軍  
機兵餉皆資於調度廣州府知府陶大有陽山  
縣知縣李一德肇慶府知府盧璘高要縣知縣  
尹思梧州府同知高仰懷集縣知縣翁堯英各  
隨職以效勞每竭心而濟事要皆勞不可泯亦

當並叙者也統督遊擊將軍鄒繼芳署都指揮  
僉事王麟或輒熟而無用或偏僻而乖方廣州  
右衛達官指揮僉事楊寬廣西桂林右衛指揮  
同知舒煥一則貪鄙而僨事一則姦淫而違法  
守備南韶清遠連州等處地方清遠廣州等衛  
指揮使鄧金陳鶚楊騰驥盧金王璉指揮同知  
李希勣邵鏗指揮僉事李益大千戶趙階百戶  
余仁汪濂王旒四會縣知縣張文光典史曾練  
清遠縣知縣何應宿典史林世義迴岐巡檢司  
巡檢楊慶並德縣典史朱儀均有地方之責殊  
無備禦之功任賊縱橫而不能截捕坐視傷殘  
而不行救援以上諸臣均屬有罪但查王麟鄭  
金盧金部下斬獲爲多功浮於過仍當量叙鄒  
繼芳厥功雖無足錄論罪亦無所據李希勣邵  
鏗張文光何應宿曾練各能承委把截捕獲頗  
多功過似應相准楊寬舒煥贓罪顯著法宜重  
懲楊騰驥陳鶚趙階余仁王旒汪濂林世義朱  
儀各功不掩罪王璉李益大楊慶俱有罪無功  
相應提問以懲不恪其陣亡千戶慕宏軍人郭  
振死事可憫似宜照例優錄奏捷人員亦應照

例陞賞再照總兵官靖遠伯王 提督兩廣軍  
務侍郎王 與先任提督今致仕侍郎談 各  
能矢心調度畢力宣猷或大振軍威于其前而  
首多俘馘之績或繼展嘉猷于其後而遂收  
蕩之功地方賴以安寧勞績均不可泯今該各  
官具題前來相應酌議上

請合無恭候

命下將談 照例陞級致仕王 王 持加陞賞賀

鏐優加陞賞經彥柔鐘坤秀各加陞賞魏良貴

張英王國楨林懋舉杜璉重加賞賚何宗魯戴

有孚黃瑤徐邦佐盛贊次李謙徐純魏希賢陞

湯臣劉叔芳並加賞賚宋澤林應亮李遜汪球

侯熙陶大有李一德盧璘尹思高仰翁光英并

王麟盧金鄭金俱各量賞出天恩陞府佐職銜

仍管該府捕盜再著勞績推用鄒繼芳李希勳

邵鏜張文光何應宿曾練各准贖罪楊寬舒煥

楊騰驥陳鶚趙階余仁王旒汪濂林世義朱儀

王璉李益大楊慶等移咨都察院轉行巡按廣

東廣西各監察御史通行提問查照情罪重輕

如律議擬并其餘獲功有罪被傷官軍目兵人

等及此外有無別項欺冒隱匿情弊逐一覆勘  
明白分別等第造冊具奏以憑覆

請定奪陣亡千戶慕宏照例子孫襲陞一級軍人郭  
振行軍門優恤其家奏捷官舍王學禮張潮照  
例陞賞其量留漢土官兵防守事宜并賑恤傷  
害人民招撫安插逃匿及設縣立堡等項善後  
事務俱聽提督軍門備行守巡叅將等官逐一  
計處停當條奏施行但恩威出自

朝廷臣等不敢擅擬伏乞

聖裁等因嘉靖三十六年十二月初九日太子太保

本部尚書許 等具題本月十一日奉

聖旨這地方賊寇剿平各官效有功勤王瑾廕一子  
與做錦衣衛百戶王鈞廕一子送監讀書談愷  
陞右都御史致仕賀濩陞二級經彥案鍾坤秀  
陞俸二級魏良貴等賞銀十五兩何宗魯等各  
十兩宋淳等各伍兩呂天恩陞本府同知照舊  
捕盜鄒繼芳等准贖楊寬等各該巡按御史提  
了問其餘依擬欽此欽遵擬合通行爲此除外  
合咨前去煩爲會行總兵官照依本部題奉  
欽依內事理欽遵施行備咨准此案查先爲剿平稔

惡強賊查覈功罪以昭勸懲事已經具  
題去後今准前因會同

欽差鎮守兩廣地方總兵官征蠻將軍太子太保靖  
遠伯王 議照前事擬合通行爲此合咨  
貴職煩請欽遵查照施行須至咨者

右

咨

原任提督兩廣軍務無理巡撫兵部右侍郎兼  
都察院右僉都御史今陞右都御史談

嘉靖三十七年二月

十八

日

咨

押

吏部爲捷音事文選清吏司案呈本部送准兵  
部咨該本部題職方清吏司案呈奉本部送兵  
科抄出鎮守兩廣地方總兵官征蠻將軍太子  
太保靖遠伯王瑾奏爲前事等因該兵部覆題  
節奉

聖旨這地方賊寇剿平各官效有功勤王瑾蔭一子  
與做錦衣衛百戶王鈞蔭一子送監讀書談愷  
陞右都御史致仕賀鏐陞二級魏良貴等賞銀  
十五兩何宗魯等各十兩宋淳等各五兩呂天  
恩陞本府同知昭舊捕盜鄒繼芳等准贖楊寬

等各該巡按御史提了問其餘依擬欽此欽遵  
咨部送司案呈到部擬合就行爲此除外合咨  
前去煩照該部題奉

欽依內事理欽遵施行須至咨者

右

咨

都察院右都御史致仕談

嘉靖二十六年十二月二十四日對同都吏陳米

押

咨 押

押

後平粵錄

奉賀大司馬十山談公平寇叙

天地之大一陰一陽周行山川之中無遠而弗  
屆也王道所以取法者其在茲乎嘗觀泰山日  
觀煦于諸馮闕里鍾靈鳩淑聖傑挺生何則陽  
且明故也其下隰則迤邐而爲谿峒史傳所載  
萑苻之澤渤海之藪曲隄之險水滸之阻迢迢  
伏戎于莽何則陰且暗故也要其極則都會之  
陽是日神皋窳入之險是日鬼方其槩類此吾  
粵亦然昔者嘗登羅浮之椒夜半見日猶日觀

也豈非鯁壑鵬溟同一寥廓故高明與他山爾  
殊邪及北上抵清遠舟人遙指大羅山曰此中  
幽邃蟲蛇罔象之聚也其水石則窅垤崕呀林  
菁則坳析叢桂西通四會俚賊所家縱人以矛  
血人于牙言旣感類久之其後四出寇掠日肆  
猖獗今嘉靖丙辰大司馬十山談公具疏聞于  
聖天子命將徂征乃自嶺西采入其阻擒馘元兇脅  
從罔治遂進清遠破其巢穴凡馘七千八百餘  
級而澤藪險阻悉皆蕩平嶺海士民懽忻胥慶  
越丁巳春振旅而還捷奏于

朝進秩殊

錫且有日矣潘臬暨都帥咸來請予載筆於戲武  
事成則文教昭威加廣則德施普茲固陰消陽  
長之理也夫東據番禺北指韶雄其羅浮之陽  
乎稽諸陸胤裴淵所傳廣州先賢時則有若高  
固爲楚威王相肇開五羊斷穀之祥及漢則太  
守鄧宏議郎楊孚之屬靈靈傑出不待唐之曲  
江而先已有聞矣嶺西文獻迄宋何寥寥也譬  
諸背巖草木發華必遲亦容光終所弗遺爾然  
函氣以生者其性同也形爲人類者皆可化也

大羅適誅數百年矣不草薙而禽獮之嘉曷由  
生慨昔薄伐奚可縷數而竟亡有闢其藩者今  
公獨斷成此膚功靜若因潛動若霆擊非圖勝  
也凡以彰

聖天子之義也繼自今勞來教育弗鄙夷其民使之  
節性日邁化梗而馴良我

大威慕我人文式我聖傑懷我好音將見水石林菁  
絃誦鏗錚而相聞幽崖奧區靈淑其均矣乎非  
好迂也凡以歌

聖天子之仁也王道之所以法陰陽者盡之矣是猶  
豐蔀焉蔽厥百昌無由罔達一旦撤之跋烏俯  
照則生遂莫遏公之偉績流光嶺海豈有窮哉  
書不云乎丕冒海隅出日罔不率俾此之謂也

嘉靖三十六年歲次丁巳季秋之吉

賜進士出身中順大夫詹事府少詹事兼翰林院侍  
讀學士前 南京國子祭酒

經筵講官同修

國史

玉牒治生泰泉黃佐撰

奉賀

大司馬十山談老先生平粵序

嶺表爲東南奧區谿谷巖險獠夷盤據生長性  
僞勇輕悍好作亂黠結遷移無常處不羞遁走  
其大較率如此先

督帥夷隕兇悖累懋勛勩襄毅韓公治斷藤峽  
新建伯王公治八寨天下無賢不肖皆能頌二  
公功德固彰彰然垂太常者嘉靖丙辰南海蒼  
梧端溪臨允渠蠻相糾爲孽至僭稱名號蹂躪  
塗炭諸區粵之氓糜敝秋苦謹然生搖心矣

司馬中丞十山談公簡將檄兵指授方畧誅之  
甫四月告厥成功俘首虜數千百人上之

廷故事功受上賞錄胤嗣胄監藩臬諸長貳屬正  
茂以文賀竊惟

聖天子受命穆清澤流罔極海外殊俗重譯款塞頃  
匈奴匪茹往往攻當路塞邊吏蚤莫靡休息矣  
而樓燿之衆浮江蹈海淮揚吳越間滋蔓慘愾  
自是鍛申砥劍橋矢累弦轉輸運餉嶺東西奔  
命罷矣孽伏林莽一旦竊發敢自尊大此其志  
以其全制我之罷者非與太史公曰彊弩之末  
矢不能穿魯縞藉使新建襄毅公當之其雄才

朦算固無遺筭竊恐厚集之請視往昔不能無廢格者故謂公於時爲難矣顧元戎不煩彎弓之士董土着約束甫定令甫下不勞而功舉救紛糾之難振元元之命尋寢兵休士卒於二公得志當時者其難易皎然明矣夫陰山溟渤患在四海之內屬者起數歲之師不獲一逞其裨校多粵冒夫以朦惑者其氣倍行師者之情也廟畧邊籌得專意於陰山溟渤用鱗次取成功無復嬰嶺表之慮者公之功於是乎大矣

嘉靖丁巳歲夏季月朔

進士出身中憲大夫奉

勅提督學校廣西等處提刑按察司副使前禮科給事中殷正茂頓首謹撰

平粵頌有序

天佑兩粵錫民寧宇大啓我

皇明之運惟

天子聖神威制萬國龍飛五年平田州二十年平黎寇二十八年平交南三十五年丙辰

大督府元台十翁談公以粵寇弗靖請征之

制曰可於是肅將威命爰整其師天聲孔將夷醜震

懾寇之最劇而據險以爲不可必克之區曰雙石頰曰大羅山公皆預定方略所向應擊披靡前後斬首六千餘級嶺南諸道悉平公以方召之才策運帷幄制勝固宜然環攻雙石之日霧壓賊營我圍旣合若然開霽出其不意賊衆惶駭咸以爲神一舉黎庭是豈可與功能者課殿最耶

天子明命是若帝鑒具嚴是恭風采所被神人協應厥功旣奏

上嘉悅之進秩任子寵逾三錫于德聞之粵人士曰是捷也自昔樹勳南服未有若是者也夫粵之蠻與諸夷異錯處郡邑獸集鳥散撫之未必盡化誅之不可勝誅伏波已來寥寥數千載崑崙之役斷藤爲烈然不能無遺孽而今而見獫狁之襄昆夷之駭猗歟偉哉益之贊禹曰至誠感神今日之績是矣於是遠邇震聳莫不有南人不復反矣之嘆凡我督臨文武衆庶奏凱騰歡于德等秩佐偏裨躬逢大捷再拜獻頌用紀其盛頌曰

於昭帝命右序

明德駿惠卑敷治此四國昭哉我

祖績揭之績 維此粵方

帝篤顧之頌首弗恭赫然怒之命將興師薄言祐之

歟字既寧于馬開府寵冠諸鎮建牙授斧百蠻

震疊斯民安堵 文恬武嬉百年于斯苞或未

殄孽漸胎胚如彼太阿視其所持 中興敷文

化成道久守在四夷式於九有靡固曷負矧茲

蠻醜

帝曰不承績緒之烈捐憚之思正是百粵於惟我公

申甫之匹 公起雲間秉心塞淵允武允文維

公起雲間秉心塞淵允武允文維

不遐有忘 載鉞青冥公至如霆于疆于理南

服載寧絜爾狂寇釜魚待烹 桓桓我公嗚赫

其旅是類是禡旌旄具舉神之聽之正直自與

非雷非烟上帝臨只 獮禽于郊殪狐于穴杲

杲出日氛侵蕩廓寔靖炎荒安安攸馘膚功有

嘉明堂獻捷 何以褒 殊渥是遇何以予之

未鋤胤祚成均育首 未公譽公譽以未綿綿

奕世 惟此碩膚 德動天苗民格禹西賊驚

德動天苗民格禹西賊驚

德動天苗民格禹西賊驚

韓干戈載戰訂謀其全荷是自祿自天佑焉  
粵人有生公寔植之粵人永懷公德締之奕奕  
勛名青史志之銘勒鼎彝子孫世之

於昭帝命十四章九章章六句五章章八句

光緒二十六年丁巳五月望日奉

勅充副總兵鎮守廣西地方南京前軍都督府署都

督僉事淮陰周于德頓首撰

下錄

### 懷德祠記

懷德祠四會之民懷談公之德祠以報於無窮  
也談公總制兩廣綏來殲逆惠溥威流凡厥士  
民罔不懷服獨四會乎祠之何也曰公之德所  
同也民之患所獨也兩廣州邑率有寇患其孰  
有如四會之深且烈哉邑之沿北爲大羅山介  
於三廣巒岡層疊巖谷盤旋綿亘連絡將數百  
里

國初疆理不及故諸徭得以巢穴其間負固梗化

窺間出劫自昔如茲匪斯今也正德十四年都御史楊公奉

命討之時憚深入多逋匿焉遺種生生部曲日繁志益以肆扶蹊則馮天恩雷鄉則李汝端顧水則梁汝忠歐廣各僭銜偽爵雄據虎視而四方無賴流浪之徒又從而翼之敷虐於嶺之西嶺之南至於今日極矣而四會爲轉甚四鄉村廂莫不被其殘毀居舍焚而茸茸而復焚男婦擄而贖贖而復擄往往多是而屠戮民命掠去財畜占荒田土亦非可以數計也以至

國賦虧十之五里城初之半四會蓋岌岌乎不能邑矣嘉靖丙辰十山談公以兵部侍郎兼都察院右僉都御史至即欲討之以新恩之警報方亟乃先剪滅之曰今得專意於此寇也遂謀諸廣東叅政王國楨而委密於肇慶府通判呂天恩得其情及可克之狀公曰是寇性黠而勢厚道險而窟多非大舉不可且奸民或爲之躡末事而形彼將備焉丁巳乃以赴計倭寇爲說徵兵選將各授以哨道爲之期日遣之先後督發若向吳淞三月十三日雞初鳴各抵賊巢突聞

兵至倉卒迎敵不能格遂瀆而奔旁岐諸隘已  
各分兵待之無所干逃遂駢首就戮并俘獲計  
功凡三千有奇嶺南之數且倍焉蓋自總鎮開  
府以來未有此捷也百姓聞之無間童白皆拍  
掌超距歡聲震天彼此慰賀悲喜交加曰不圖  
乃有今日也諸將飛檄上功而公以報罷去印  
巖王公繼至窮迹搜匿迄三月而班師未盡之  
民皆返其故所誅茆結廬闢草出土骨者漸肉  
離者復會村落城廂蔚然成聚合而言曰吾等  
不遇談翁寧有今日見其子若女能咲語知呼  
召逃膝嘻戲閭里則曰公所育也父老得保首  
領老死牖下蓋土入棺喪葬各惟其情則曰公  
所終也三農樹藝五穀耕獲以時朝夕饗殮俯  
仰無累則曰公所粒也獲一廛而居幸免於草  
露之眠宿風雨之飄搖則曰公所宅也行途不  
恆於道路則曰公所通也歲時伏臘鄉黨宗族  
親戚朋友得以酒食往來酬酢宴飲則曰公所  
醕也遠公之庭不能即懷公之德不能忘遂各  
捐貲市材鳩工繕室貧不能助則以力代之前  
後凡三重每重凡五楹肖公之像於中廳而以

參政王君通判呂君配均事事也共置守戶朝  
夕酒掃焚香禮拜時首月吉羣詣祝告曰願公  
壽以庇我生願公世世乎卿相以庇我子孫  
以庇其堂曰懷德云旣成告諸邑令張文光  
曰是不可無記乃率之請府請爲記之璘詰之  
曰祠者祀也禮云比有功烈於民者則祀之此  
則自古及今未有能改者也談公之功載在祀  
典百歲之後

朝廷固有公議在焉汝等乃以私先爲之何哉民  
曰公議固有在乎吾等老矣不能俟也吾及吾  
身吾盡吾心而已亦庸知夫

朝議之爲公民情之爲私乎璘聞而義之且是役  
也璘實與於百執事之末知其事實且詳故不  
揣而爲

嘉靖三十七年歲次戊午秋七月吉日廣東肇慶  
府知府盧璘頓首拜撰

平粵錄

武成跋

武成之頌頌成功也武成竣而禮樂  
可興歌頌之言咸可播之絃管則茲  
錄也固以鳴我公之盛我公尊居廟

主

聖天子所命於太師以奏

聖君賢相相說之大雅者其在茲歟其在

歟是爲跋

門生工部都水清吏司主事番  
禺後學張大猷元敬甫頓首百拜敬

跋

平粵錄跋

是錄也非家君意也家君致仕踰年大叅汪公侏  
僉憲杜公聰棠是錄梓於蒼梧寄至家居曰平粵  
者人臣之職也奚以錄爲觀至終篇曰吾幸矣幸  
矣是不可無錄也提督功成而引太平知府爲例

江滿何人也以考察閒住者也而仰荷

石乃以之爲例可乎蒼梧軍門先致仕而

者蓋嘗有之見軍門志得非例乎雖然幸

吾以清白自持無所餽送權門嫉之久矣

至貶斥而以致仕歸養天倫之樂朝夕承歡何

如之向之嫉吾者已爲冰山又何幸也吾過南  
者適至賊首陳世豪等已就擒或問善後  
曰葵峒扶溪龍潭何峒賊中之至險也吾  
賊不能聚當以指揮一員率兵千人守  
巢多良田分給守者仍以行糧給之用省而  
無虞吾守其外賊必據其中舊兵俱不可擊而雇  
募之費將不可支矣或言之代者而代者更自爲  
計不三四年而吾之言驗矣是錄也雖存之亦可  
也志伊侍側因而識之又聞兩廣古百粵地也負  
山阻海世多弄兵邇年浪賊勾引猺夷時出劫掠  
殺戮之慘耳不忍聞累經題

請大征未有行者家君初至軍門不忍加兵出示諸  
山許其自新逾年羅旁綠水兩江八寨素善剽奪  
者咸齧服惟會寧四會大羅等山諸賊不悛於是  
簡士卒時訓練備器械儲糗糧分遣間諜密探巢  
也江南以倭寇至遠調狼兵旣至軍門有報中  
曰吾事濟矣分遣將官督率親授方略  
僉阻如在目中不三月而會寧悉平大羅諸  
以征之功甫成而薏苡之謗行矣家君每用  
寢食俱廢須髮爲白志伊雖少慰解而不之信

既得致仕欣然就道曰吾得侍吾母矣潘臬諸  
夫舍忠孝以贈其知家君者哉志伊不肖  
家君之功人或知之而家君之心人或未  
附數言復請之家君而授之梓嘉靖乙  
巳日不肖男志伊百拜謹書

平粵錄後序

嘗讀六月之詩曰文武吉甫萬邦爲憲  
乃嘆曰嗟乎周室君臣之際何其盛耶  
夫獫狁內侵王室孔棘太原之役人臣  
以勞定國之義也今讀其辭人君以父  
社爲念而不忘役事之爲勞人臣  
以攘斥外患爲功而不虞異議之可畏

其同事於朝者亦相與成人之美咨嗟  
不嘆而叙述其可紀之功此猶手足腹  
心之相爲用是以庶事章明而謨烈盛  
美也乃若後世拊髀思士或不足以當  
上心戮力王室者又卒艱於遇主此仁  
人義士所爲發憤而興歎也以今觀於  
十山公武成之績一何盛耶公推誠感  
人正色率下文德所被遠邇同風至其  
運籌軍謀式遏亂略經文緯武之業固  
知不下堂庠而截然有定矣乃者會寧  
之役文武齊心爪牙宣力風聲所至聞  
以寧公又以弘謨遠略照臨之用是  
四七五閱月擒斬四千有奇說者謂徵  
兵之寡獲醜之多用財之廉凱歌之速

未有如此日之盛者也夫會寧新恩之  
具稔惡烈矣愁歎疾苦之民流離死  
不得顧其田里保其親戚也數十年  
於此矣上變督府非不哀且亟也卒未  
聞芟夷蘊崇建百年弘遠之績者則以  
共武之服甚難而全勝之筭未得也昔  
先朝韓襄毅殲寇藤峽也百世之下有遺  
思焉乃今廣肇山峒之區絕椎埋桴鼓  
之警是襄毅經遠之略也聞昔之用師  
者儲糧聚兵動逾歲時賊偵嚮往則已  
罕妻子而他逝矣公之徵兵也以備倭  
以分道也以剿賊也賊不知兵  
不知用奄忽馳突如飄風驟雨之不  
可測而禦也昔狄武襄之經略儂賊也

賓州下令十日進兵候偵者去詰旦遂  
以仁之捷斬獲無筭公用備倭之師  
正豐一備之寇也是武襄平邕之智也  
古今大將立功於外也未有能食其報  
者雖伏波銅柱之烈猶不免焉甚哉令  
終之難也公捷書至京蒙被

大恩澤及苗裔將士而下紆佩金紫受賞  
有差彤弓之典方隆薏苡之疑不作此  
又新息之所未有也夫公之功固大矣

今

廟堂之上不止顯其身且將錄其后人縉  
紳七文武大吏歌誦休烈者雖詩人  
亦吉甫亦無讓焉故愚以爲公文武  
之業此惟吉甫之可同而平粵錄所載

謂與六月之詩並觀不爲過也於是太  
上君僉憲杜君請梓馬以紀成事公  
謂手力宜有言於戲公才猷風節式我  
兩粵吏士者至矣君子觀斯錄也寧止  
爲兩粵吏士足法已哉

嘉靖丁巳夏四月之吉廣東等處承宣  
布政使司分守嶺東道左叅議陳善序

後平粵錄

逆賊衝營劫寨燒屋立號占據逼降乞早加

兵急救生靈大難疏

欽差提督兩廣軍務兼理巡撫兵部右侍郎兼都察院右叅都御史談愷

題爲逆賊衝營劫寨燒屋立號占據逼降乞早加

兵急救生靈大難事據廣東布政司分守嶺西

帶管分巡兵備道右叅政王國楨呈據委官肇

慶府通判呂天恩呈據四會縣呈備通縣里排

鄉官舉監生員李道全等呈稱本縣境內扶黎

葵梅等峒賊首李汝端馮天恩等招納亡叛嘯

聚徒黨各稱王侯將軍等項名號雄據一方流  
毒兩省焚戮淫掠不可勝紀霸占軍民田糧五  
千餘石附山土民遽起叛逆煽動四十餘村叛  
民三千餘徒悉從爲盜不時縱橫流劫窮兇極  
惡法當誅戮蓋緣地方急在會寧新恩未及加  
兵俱蒙權宜撫處詎料各賊狼性野心始終不  
改焚戮劫掠如故徧邑生靈不勝受害伏乞調  
集大兵盡行剿滅等情到縣轉呈到職備細審  
訪各山巢岫渠魁首從徒黨幾至萬人委果僭  
擬各號肆行流劫殺戮焚虜霸占民田不可勝

道卷查先奉臣批據四會縣吏目盧世子該縣  
民沈朝舉周嘉興譚子忒蘇伯簡馮廷美陳大  
用等狀告爲叛賊流劫鄉村殺人放火慘害等  
事及據該縣申爲大惡山賊流劫殺人等事俱  
奉批仰分巡嶺西道查議報又批據督備指揮  
楊寬呈并廣西懷集縣申俱爲飛報地方賊情  
事奉批仰分巡嶺西蒼梧一道會議報俱經節  
行該道及肇慶府酌議未報又經行委該府通  
判呂天恩親至地方添兵立營督率防捕應否

進剿機宜具實前報今據前因為照嶺西諸郡  
素稱盜區而四會一邑又僻處萬山接壤異省  
險遠為最以故不逞之徒逋聚四集為患無已  
自正德十四年興師剿絕頗獲平寧近來生聚  
漸繁猖獗滋甚即今四境之內約計巢穴百有  
餘處賊徒幾至萬人縱橫出沒在在皆然查得  
大賊首李汝端馮大恩鄧財銀歐廣海梁汝忠  
謝鸞等分據各山號令屬黨其餘黃積德李震  
大馬應龍蘇朝泰楊汝隆馬亞尋沈永昔先  
器劉積富莫朝漢陳仕魁薛文幸盤三六一

張國賢鄧志寬熊工勝梁世能蘇汝定雷國定  
呂定足邵國定何國安葉以盛成本佑張文富  
黃國泰陳天旋呂大李鐵鄧得華譚排馮汝賀  
黃國鸞陳天福陳廷幹歐汝近馮天爵馮天敬  
邵積成十五黃國祿胡世昌胡奎馮天祿邵汝  
賢邵汝敬馮文貴莫廷保黃國寶邵汝明高世  
集黃國盛郭本盛盤亞岑高國樂陳希邵友映  
周亞論高世定李晚鄧世正鄧有銀何廷奎陳  
國泰鄧亞餞邵勾鼻鄧積富陳國雄盧宗富邵  
亞論謝天明邵師榮謝國華陳德亮謝師然黃

國富黃世遇鄧貞孔世後陳亞信王積寬胡湧  
莫萬玄梁蕩梁兄陳師弘宗梁汝良梁羅養孔  
齊黃積才馬應鳳羅生謝師懺陳世益歐本結  
陳聖賀歐子秀馮不必歐本立歐世平即時先  
雷廷叙馮聖寬馮晚陳亞玉等皆有名賊首盡  
屬李汝端等統轄盤據數百餘里馮陵數十餘  
年且敢僭擬侯王肆無忌憚虔劉焚蕩之慘無  
月無之冤號痛迫之聲于今爲烈下民何辜遭  
其荼毒官司何忍視其顛連近雖節蒙推誠撫  
諭增兵防守顧跋扈之勢非數畧所能支出抑  
之雄豈制挺之可禦若非命將遣師聲罪致討  
何以驅掃兇殘戢綏疆宇哉况近奉軍門征剿  
會寧新恩等處劇浪賊徒旣已蕩平而此方羣  
兇未遑議擬以故被害之民累詞告哀必欲納  
諸一視庶幾可望更生蓋揣其事勢真爲理極  
而數窮驗之民心委見東征而西怨羣情允協  
庶論僉同伏乞俯從末議大行征討等因又據  
廣東按察司整飭嶺南兵備僉事賀鏤呈爲乞  
剿僭叛勦寇以救生靈以隆

聖治事據廣州府清遠縣申據本縣儒學生員朱正

色蔡曼等撫獯里排鄉民陳德言黎敏事陳訓  
陳大本羅祖恩福以禎陳本禮王遠白應麟黎  
銳白日亨等呈稱寇賊姦宄廣上皆然顛沛傷  
殘木邑爲甚蓋緣枕山濱水足以藏垢容姦內  
聯大小羅山寔爲彘賊淵藪千里綿絡四省相  
通巨惡元兇僭擬公府貫盈蕃育居長子孫往  
歲叛馴無常上司撫剿間舉勢雖已盛心尚知  
懲年來日肆猖獗首賊陳汝高李子厚李文富  
杜景華陳文賢謝世傑華德順龍國育江國隆  
陳伯從李興隆譚汝盛房祖宥馮四黃本隆梁  
世祿黃廷海衛東林吳文端吳世雄梁朝任梁  
朝進鄧祖勝鄧積貴梁東溪梁汝富梁汝昌韋  
廷噐梁廷富李觀清李廷善盤世榮黃應厚謝  
世良李應雄龐永隆龐永朝龐廷秀龐永富龐  
元鳳龐廷隆黃亞柔歐道橫陳國秀曾禮曾劉  
亞羊管雲臺王容和陳世寬管總華廷秀梁廷  
珍岑日全盧國明等忍心叛化濟惡滔天廣積  
貲餘招納巨命機藏歲月衆至萬千頭目稱國  
王將軍等名恬無畏忌將領假飛天遊騎等號  
任使縱橫卜日出行殺人賽祭首戴冲天高帽

面懸王字黃旗劫村闌河放火焚屋殺人命如  
草芥驅家口若雞豚父母妻兒責限求贖錢帛  
牛畜盡洗一空流毒淫汙莫此爲甚兇暴凌虐  
所不忍聞抑且敵殺官兵搶奪器仗出入無度  
晝夜驚危如朱廷實杜瑞等骨肉傷離室廬蕩  
燬號聲動地怨氣冲霄况近四會地方結誘葵  
梅扶溪等山強徒李汝端馮天恩鄧志寬蘇宗  
秀張汝敬禰廷叙李汝璧伍克耀等四路劫攻  
黎民無措且近山撫徭里排千長等役坐視故  
容漫無禁禦雖上司屢申曉諭奈此輩怙終不  
悛若不呈乞大賜剿平禍將無極又據韶州府  
英德縣申同前事照得賊首陳汝高等委屬僭  
逆竊稱名號敵害官軍蔑視

皇章肆行已志殺人放火大縱凌夷虜親脅財仍恣  
誅戮每月數報見之寒心一夜十起未容安枕  
况本部院大布恩信曲賜矜容猶且負固終迷  
屢肆猖獗則勢弗容違罪未可原伏乞垂憫時  
艱渝別民患早爲奏

請大賜殄除等因奉到臣簿查先據廣東肇慶府四  
會縣致仕吏目盧世用并該縣民沈朝舉羅景

奎譚子式陳大用周嘉興等各狀告稱本縣扶  
溪葵梅蓮花磔心等山賊首馮天恩李汝端鄧  
財銀等鳩集扶黎顧水賊首歐廣海梁汝忠等  
并清遠大羅山賊莫天亮等屯聚僭稱王號多  
則三二千少則三五百越出攻劫黃桐峽逕官  
營勒占軍民稅田八千餘石徧劫本縣各都大  
小鄉村殺虜燒燬難計其數嘉靖三十四年正  
月李汝端等統賊九百餘徒包圍鄉村殺死周  
德集周祖孫等一家六命并殺福國餘等十九  
命虜去男婦七十二名口耕牛五百一十四隻

六月二十三日又劫龍頭村殺死陳亞徐虜去  
男婦三十六人耕牛一百二十一隻燒燬房屋  
縣所提調巡捕督備官兵附近鶴爪營打手坐  
視不行策應前賊愈肆流劫告乞調兵剿除等  
情俱經批仰分巡嶺西道查議未報又據督備  
開建懷集四會地方指揮楊寬呈稱本年九月  
十五日緝事軍壯黃憲等走報有清遠四會大  
羅顧水等山賊首梁汝忠馮天恩鄧財銀馮天  
祿黃積德馬應龍等統帶狂賊七百餘徒越來  
務本里永古峒割營路通開建隨督巡捕百戶

吳顯宗部領五屯獍丁覃文舉等分投截殺前賊又往寧峒越過開建打劫時有兵夫林四埔裝伏與敵殺死覃文舉部兵覃養陳福二名槍傷潘顯等各名前賊出至何村燒燬民人何本清等家捉去牛羊九十餘隻等因并據廣西梧州府懷集縣申同前事又批仰分巡嶺西蒼梧二道會議去後隨該臣等看得前賊屢次爲患亟宜剿滅止因春初征剿新寧新會等處地方劇浪賊徒勢難並舉又行出示推誠撫諭冀其悔悟解散續又據四會縣民唐晚梁世仲等狀訴前事批仰嶺西守巡道查議報近據該縣民蘇伯簡張仲器馮廷美等各狀告稱嘉靖三十五年七月初九日被本縣扶溪蔡梅大洲扶黎顧水清遠縣大羅等山巢僞稱承天左在都元帥賊首馮天恩李汝端統集破陣先鋒陳仕魁蘇朝泰帶領五千餘徒包圍白米寨吹打銅鼓旗號橫天鳴鑼火銃般運糧米火食割經五日添湊清遠白芒懷集上澄強賊如蟻逼民投降乞調官兵急救等情及據肇慶府申同前因又該臣等看得前賊糾黨數多攻打地方割營不

退勢甚猖獗會批仰分巡嶺西道量調戍守目  
兵及南韶殺手速往截捕及行整飭嶺南兵備  
僉事賀鏐調發打手四百名委指揮戶紹德統  
領守備南韶清遠等處地方指揮鄭金調撥附  
近營堡打手三百名親自統領前去各賊割營  
地方相機剿捕并陸續督發奉議州戍守目兵  
四百名委百戶曾世傳統領達官舍五十員名  
委指揮馬文震統領前去併力防截又據廣西  
懷集縣申據緝事覃玄敏走報有廣東人羅等  
山蠻賊一宗約一千五百餘徒於八月十五日  
夜越至地名梁村宿泊等處白日行劫等情當  
即行令帶管巡捕吏目邢瑚帶領民壯隨同督  
備指揮楊寬部領哨守千戶高翔并巡捕百戶  
朱裳劉金湯臣等率領目兵覃文舉等并掣松  
牛羅密營打手民壯起集鄉夫協力救護恐兵  
寡勢分賊來難測等因又行肇慶府通判呂天  
恩會同指揮馬文震嚴督見在地方指揮尹紹  
德百戶阮漢趙夢李曾世傳各所統打手目兵  
殺手分爲二哨將越往懷集地方賊徒設法把  
截併力剿殺去後今據前因臣會同鎮守兩廣

地方總兵官征蠻將軍靖遠伯王 議照廣東肇慶府四會縣扶溪葵梅大油扶黎顧水等山通接廣州府清遠縣大小羅山及廣西懷集等縣地方山峒聯絡巢寨險深猛賊盤據嘯聚爲患積有歲年撫之則旋復背叛剿之則東竄西奔自昔而然竟難制禦馴至今日首惡李汝端馮天恩陳汝高等乃敢僭稱王侯將軍名號糾集諸山賊黨千百爲羣大肆流劫二省生靈屢受荼毒各處軍兵多被殺傷節據被害里排鄉民請兵征剿適因會寧用事未遑並舉臣等出示暫行安撫冀其悔悟解散彼乃執迷不悛愈肆兇殘誠神人之所共憤

天討所當必加者也況今賊勢猖熾人心騷動若不動調大兵痛加剿滅誠恐勢益滋蔓釀成大患臣等遵照節該欽奉

勅諭但遇賊寇生發即便相機可撫則撫可捕則捕及便宜處置事理除一面差官齎執

令旗令牌分投前去廣西左右兩江土官衙門督調土官目兵并選調兩廣漢達官軍打手人等前來聽調一面備行兵備等官將前項稔惡賊

巢行拘鄉導審訪地里險易賊徒衆寡畫圖貼說分布哨道停當轉行三司掌印守巡兵備等官覆議明白選委謀勇官員統領剋期按圖進剿務將首惡殄滅以警其餘仍候剋期進山開刀及事寧之日通將有功失事人員覈實另行具奏外緣議逆賊衝營劫寨燒屋立號占據逼降乞早加兵急救生靈大難事理爲此具本專差舍人何大韶親齎謹具題

嘉靖三十五年九月

日

捷音事

欽差提督兩廣軍務無理巡撫兵部右侍郎無都察院右僉都御史王 爲捷音事准兵部咨該本部題職方清吏司案呈奉本部送兵科抄出鎮守兩廣地方總兵官征蠻將軍太子太保靖遠

伯王

奏稱據廣東按察司整飭嶺南兵備監督本哨僉事賀鏐統督嶺南左哨遊擊將軍鄒繼芳右哨廣東都司署都指揮僉事王麟會呈奉軍門劄

付爲逆賊衝營劫寨燒屋立號占據逼降乞早  
加兵急救生靈大難事滿仰職等會同將漢達  
官軍土官目兵打下人等分定小哨責令統領  
督同鄉導人等分定小哨責令統領  
密至信地將各處逆賊包圍撲剿等因各  
職會查嶺南左右二哨地分何嶺石坎龍潭大  
羅山池水尾興仁鄉黎峒陳端蕉坑九小哨賊  
徒數多議請左哨進擊將軍鄒繼芳與督指揮  
馬鎮與金在從龍壘一蒼各塔官定六進剿令  
石坎在嶺南指揮王麟與叔指揮黃金李煥李

守中余金各哨官兵進剿興仁黎峒池水尾指  
揮尹紹德哨官兵進剿陳峒達官指揮楊寬哨  
官兵由廣西懷集取路進剿蕉坑等處各巢賊  
徒候各哨事有次第會合左右二哨夾剿龍潭  
大羅二哨及委指揮阮鐸王棟二哨官兵中軍  
策應遵照刻定本年三月十三日卯時一齊抵  
巢撲剿又行委官督兵把截要路該遊擊將軍  
鄒繼芳督兵前進賊先據險聚衆迎敵豎立排  
柵結壘石棚我兵奮勇協攻盡力血戰馬鎮哨  
攻破何峒劉師峒白石坑等巢泗城州土官男

岑嵩先登陷陣斬獲賊級一顆目兵斬獲賊級  
四十三顆指揮鄭金等攻破石坎巢鄭金哨擒  
斬賊人賊級九名顆程從龍哨斬獲賊級一顆  
都指揮王麟統右哨官兵進剿賊先知風般併  
大巢指揮陶金督同向武州知州黃仲金探實  
賊藏去處取路冒險直上絕嶺賊首李世達統  
衆迎敵各官身先鼓衆殺敗各賊卸下林坑當  
有小目譚朱就陣斬獲賊首李世達目兵斬獲  
從賊級共一十六顆時值大雨各兵趕下半坑  
屯聚候雨止追至烏石扶溪大樟飛橋等處  
斬獲賊級一十八顆李燦李守中尹紹德楊寬  
余金等各分兵夾擊鬪戰三四合傷亡目兵三  
人我兵奮勇李燦哨攻破廟前等巢斬獲賊級  
六顆李守中哨攻破黎峒大山斬獲賊級七顆  
尹紹德哨攻破陳峒巢斬獲賊級六顆楊寬哨  
攻破南浪木湖蕉坑等巢擒斬賊首鄧積宗等  
併從賊共一百五十六名顆賊氣少奪且戰且  
走督兵連夜追剿左哨馬鎮哨趕至黃竹水黃  
峒口賊衆拒敵官男岑嵩親斬賊首龍志明首  
級一顆目兵斬獲從賊級一十五顆鄭金程從

龍劉一蕎協兵攻克石坎等巢鄭金哨斬獲賊首張國珍併從賊級共一十二顆程從龍哨斬獲首從賊級共一十二顆劉一蕎哨斬獲賊級六顆各賊奔入天堂雪嶺黃峒大小鷄等巢深峻去處聚至數百據險謀敵各官嚴責鄉導訪尋路徑督兵援木奮登攻剋賊巢連日黏踪追剿二十餘日馬鎮哨攻破天堂黃峒南田柄水板峒龍脛何峒大坑石馬鵝叫大小荒白鷓等巢斬獲賊首梁朝進杜景華江國隆吳文端羅國相等并擒斬從賊共四百九十五名顆鄭金程從龍劉一蕎各督兵攻破石坎大小鷄慈峒吉地葛藤二枰大榕雪嶺等巢鄭金哨擒斬賊首李子厚等并從賊二百零三名顆程從龍哨擒斬從賊八十二名顆劉一蕎哨擒斬賊首黃文俸等併從賊級共一百五十一名顆中軍哨指揮阮鐸督兵策應斬獲賊級九顆右哨陶金哨攻剿茶坪徑斬獲賊級六顆余金哨攻破興仁鄉下徑斬獲賊級二顆賊見勢敗退至鐵屎蕉坪老巢督發陶金李燦李守中余金各哨四面夾擊連日追剿攻破蒲竹坪下黎鐵屎坪黎

峒馬仔等巢陶金哨斬獲賊首何德松等并擒  
斬從賊共五十五名顆李燦哨斬獲賊級五十  
六顆李守中哨擒斬首從賊級三十五名顆余  
金哨斬獲首從賊級共二十二顆戶紹德分兵  
攻打茶坪蔴蕉坪大小峽隘小坑陳峒尾結紐  
坪等巢斬獲賊首黃木隆龐廷龍盧國明并從  
賊一百二十二顆又奉軍門督發指揮馬文震  
統領歸順州官族岑球等日兵到哨調發池水  
尾哨進剿攻破生牛坑雞蔴峒斬獲賊級十顆  
又該監督僉事賀鏐督據各處把截官兵及巡  
督知州盛資汝英德縣掌印通判戴有孚清遠  
縣知縣何應宿陽山縣知縣李一德斬獲賊首  
鄧積豪并從賊級共三十顆通計左右二哨併  
把截巡捕官兵共擒斬首從賊徒賊級一千五  
百七十九名顆通行稟報外本年初旬間  
前提督兩廣軍務兵部右侍郎無都察院右僉  
都御史談 報罷提督南贛都御史王 陞補  
前職本月初八日就奉軍門鈞牌仰道即便申  
嚴號令設法出奇督責各哨官兵剋期夾剿務  
在日下成功火速差人馳報毋得坐失事機等

因該監督僉事賀鏐躬詣左右二哨親召土官知州岑施黃仲金面加切責昭示威德誓戒各哨期必剿平用圖報稱各官奮勵親冒矢石分兵竄追初十十一十二等日左哨官兵攻克解手白墳新峒唐都嶺流牛捲石圳黃井等巢馬鎮哨斬獲賊首吳世雄等併擒斬從賊共七十四名顆鄭金哨斬獲賊級五十四顆程從龍哨斬獲賊級九顆劉一春哨斬獲賊級十六顆阮鐸哨斬獲賊級三名顆右哨陶金哨搜剿望嶺西坑斬獲首從賊級二十一顆李燦馬文震會剿茶坑狗鼻山北樓等巢李燦哨斬獲賊級三十三顆馬文震哨斬獲賊首陳汝和等并從賊級共五十七顆李守中哨攻橫擔嶺斬獲賊級十四顆余金哨協剿茶坑西坑擒斬從賊九名顆尹紹德哨攻打觀音水羊幾埔大陂巢擒斬賊首王容和李觀清等併從賊共六十六顆楊寬哨攻打橫水巢擒斬從賊一百四十一名顆王棟哨擒斬首從賊共五名顆本月十九日陶金李燦李守中訪得各賊退入西坑結聚自衛發兵夾擊陶金哨擒斬從賊二十四名顆李燦

哨斬獲賊級十二顆李守中哨斬獲賊級十二  
顆余金哨擒斬從賊二名顆尹紹德哨攻打魯  
分冬瓜嶺巢斬獲賊級二十五顆馬文震督剿  
小茶山茅葉坪斬獲賊級十五顆左哨督兵搜  
八各山殘賊馬鎮哨斬獲賊級二十一顆鄭金  
哨斬獲賊級十二顆程從龍哨斬獲賊級五顆  
劉一蕎哨斬獲賊級九顆阮鐸哨斬獲賊級三  
顆本月二十三訪得左哨賊徒逃聚水石寨  
太山恃險負固僉事賀鏤嚴督馬鎮鄭金程從  
龍劉一蕎各哨官兵四圍裝伏絕其糧食攻至

日乃克馬鎮哨斬獲賊級四十六顆鄭  
一 斬獲賊首盤世榮等并從賊級共四十七  
顆程從龍哨斬獲賊級二十三顆劉一蕎哨斬  
獲首從賊級共三十八顆阮鐸哨斬獲賊級二  
十顆各賊逃散避命官兵連日窮搜山背馬鎮  
哨擒斬從賊十名顆鄭金哨斬獲賊級七顆程  
從龍劉一蕎二哨各斬賊級二顆右哨陶金哨  
斬獲賊級十三顆李燦哨斬獲首從賊級共一  
十七顆李守中哨斬獲賊級十二顆尹紹德哨  
斬獲賊首陶金賢并從賊級共四十顆楊寬哨

擒斬賊首馮四等并從賊共一百一十八名顆  
馬文震哨斬獲賊級十二顆余金哨斬獲賊首  
衛東林等并從賊級共十三顆王棟哨斬獲賊  
級一顆又各處把截官兵生擒賊首韋文富斬  
獲賊首岑日全并從賊級共一百零九名顆通  
計左右二哨并把截共擒斬一千六百五十六  
顆連前共計二千七百三十五名顆又經通行  
稟報訖五月十三日該前提督侍郎談 離任  
起程隨奉軍門鈞牌仰道查得各哨見在領軍  
領兵領欵等官并各原領進山官軍自兵打手  
殺手民壯鄉兵人等各見存在山剿殺的數備  
行總理糧賞官督行分理委官照依規則數目  
扣算明白於軍餉銀內支用逐項給散各該官  
兵收領用充犒勞以作勇敢仍督官兵亦加奮  
勵協謀戮力務將未殄賊徒盡數擒斬搜扒盡  
絕獲功解報等因該監督僉事賀鏤督行分理  
糧賞委官照數支發諭以軍門威令維新賞罰  
不爽各兵感激奮報本月十九日據緝事歐陳  
仁等報稱大羅山賊首龍國育歐勝清等結聚  
芋茨塘馬屎磔大巢龍潭賊首陳世豪陽稱聽

招陰實叛逆糾同賊首韋世元陳本濂等堅立  
排柵三四層周圍屯聚十餘里負固不悛隨會  
左右二哨剋定本月二十五日攻大羅山二十  
七日攻龍潭分遣馬鎮哨攻其前陶金哨遇其  
後鄭金哨敵其左楊寬哨擊其右詢謀僉同諸  
將領略該僉事賀鏤遊擊將軍鄒繼芳協議督  
諭知縣何應宿計擒偽稱中山王賊首陳世豪  
并從賊二名連夜督兵衝枚密集仙姑廟石榴  
花各賊恃險居之弗疑至二十七日卯時官兵  
四圍鉦聲響應賊始知覺方擁衆出敵自卯至  
午我兵奮力衝鋒各賊敗陣就戮大羅山馬尿  
礮芋茨塘曾婆坑燕子巖龍潭仙姑廟石榴花  
等巢以次盡破馬鎮哨斬獲賊首韋世明等并  
從賊級三百二十七顆鄭金哨斬獲賊首韋世  
元并從賊級八十三顆程從龍哨斬獲賊首從  
首級共二十五顆劉一齋哨斬獲賊首陳本濂  
等并從賊級共二十七顆陶金哨斬獲賊首歐  
勝清并從賊級一百二十顆李燦哨斬獲賊首  
龍國育等并從賊級共一百四十五顆楊寬哨  
斬獲賊級五十顆余金哨斬獲首從賊級共三

十三顆尹紹德哨分兵收剿大南坑觀音水等  
巢斬獲首從賊級共三十八顆歛事賀鏤督發  
李守中哨官兵攻剿黎峒河東歇堂片等七村  
斬獲賊首何東海并從賊級二十六顆計嶺南  
總哨一百七十餘巢悉皆攻克殘徒投傍林木  
高山峻嶺藏躲督兵搜扒又奉軍門會牌仰道  
會同總督官嚴責其領哨領隊領兵督哨等官各  
協謀戮力鼓舞士卒未殄賊徒盡數攻克擒斬  
摠扒務期盡絕獲功解報依奉督催各官兵盡  
日窮搜雖危巢結壘無處不到馬鎮哨斬獲賊  
首梁汝富等并從賊級共六十二顆鄭全  
擒賊首梁廷珍并斬獲從賊級共二十四顆  
程從龍斬獲賊級十八顆劉一春哨斬獲賊級  
二十一顆阮鐸哨斬獲賊級十顆陶金哨斬獲  
賊首鄧積貴并從賊級共四十八顆李燦哨斬  
獲賊級五十五顆李守中哨斬獲賊級八十五  
顆尹紹德哨斬獲賊級三十二顆楊寬哨斬獲  
賊級四十三顆馬文震哨斬獲首從賊級共三  
十五顆余金哨斬獲賊級九顆并清遠縣縣丞  
王元凱督責撫猺湯紀等生擒賊首何南陽等

及各處把截官兵擒斬賊首張本高等并從賊  
共二百六十三名顆中間潛遯山林日久饑餓  
自斃者不可勝紀又查監督會事賀鏞統督遊  
擊將軍鄒繼芳協議計斬賊首一名陳汝尚又  
查木進兵之先本年二月初六日該兵備道督  
兵哨守禾中營指揮陳鷄生擒賊首一名華世  
雄又據緝事軍莊報稱猱賊聚衆越往紅花潭  
等處行劫當督調到日兵并巡捕官兵追捕焉  
鎮部下斬級五顆尹紹德部下斬級四顆巡捕  
典史林世義部下斬級三顆共計一千四百九  
十七名顆前後通計左哨擒斬首從賊人賊級  
二千零二十三名顆俘獲賊屬九十口奪獲賊  
牛七十頭賊馬三匹器械七十五件奪回被虜  
一十一口陣亡日兵家丁三十一名被傷日兵  
家丁一百八十一名右哨擒斬首從賊人賊級  
共一千九百零二名顆俘獲賊屬二百六十三  
口奪獲賊牛一百五十頭賊馬一匹器械一百  
零四件奪回被虜婦女三口陣亡日兵六十五  
名被傷日兵二百四十七名巡把官兵擒斬首  
從賊級共三百零六名顆俘獲賊屬七十三口

奪獲賊牛三頭器械五十三件奪回被虜三口  
被傷兵壯共一十五名左右二哨并把截官兵  
前後擒斬首從賊人賊級通共四千二百三十  
二名顆俘獲賊屬四百二十六口奪獲賊牛二  
百二十三頭馬三匹器械二百三十一件奪回  
被虜十七口陣亡日兵九十六名被傷兵壯四  
百四十二名其餘脅從殘徒軍兵追擊各於山  
頂哀呼棄戈投順遵照軍門明文差官齊榜徧  
山曉諭陸續招過殘徒何峒梁良振等石坎李  
安聚等龍潭韋國興等大羅山黃璩等蕉坑邵  
本財等池水尾黃國賢等興仁鄉李德明等黎  
明麗勝等陳峒管達等共一百八十五名俱悔  
罪向化誓不爲非責令撫猺里排領回安插編  
立保長管束未爲良民賊馬牛委官變賣價銀  
入官器械收庫被虜人口給親完聚及將本哨  
漢達官軍并正調土官日兵遵於本年七月二  
十二日掣散放回休息稍留報效日兵打手人  
等行委暫代守備指揮鄭金指揮馬鎮分督紫  
關地方防守把截遺下賊田照奉明文會行委  
官勘明議處外爲照清英連陽等處程峒等賊

負恃險阻逞肆克殘雄據一方流毒數邑罪惡貫盈神人共憤茲者肅將

大討元惡悉殄師行時既四月功獲數踰四千渠魁既殲宵從罔治萬姓歡呼有若再造等因又據廣東按察司整飭兵備分巡海北道監督嶺西哨僉事經彥案統督嶺西左哨原任分守廣西柳慶等處地方右叅將朱昇右哨分守廣東高肇韶廣等處地方左叅將鍾坤秀會呈稱前監督僉事鄭東白會同統督叅將朱昇鍾坤秀將發下漢達土官軍兵打手人等遵照分定各哨及委官督兵把截各賊要路俱依刻定三月十三日卯時抵巢開刀左哨統督叅將朱昇躬督指揮何懋及中軍策應指揮姚允恭二哨官兵直抵上下礮峒被賊分陣迎敵交鋒數合我兵奮勇賊勢敗走各兵追至禾倉坪黃泥坳等巢斬獲賊總梁世豪并從賊級三十二顆指揮馬懷信哨官兵攻打茶牢狗肚等巢賊潰追入扶溪賊據險對敵各兵奮斬賊級五十七顆都指揮宋俊哨官兵分枝進攻陂頭磨刀汶水蓮花礮心等巢斬獲賊級十三顆餘賊奔走馬懷信

哨官兵在大崑等山逕和尚塘隔江水庵等巢  
斬獲賊級四十五顆又於湖坑鄧坑三璉及水  
庵巢背斬獲賊級二十九顆各賊退據鄧坑等  
巢山嶺崎嶇各兵分投取路偷占山頂放銃諸  
賊棄險奔箐追斬賊級五顆連日督剿斬獲賊  
級十四顆各賊奔聚螺殼蓮花磔心等山負固  
拒敵隨該監督官調發把截官兵及軍門督發  
千戶楊式等統領田州目兵到哨併力攻剿又  
行督調宋俊何懋二哨官兵會併夾攻懸賞鼓  
舞人皆效死時值風雨前項賊巢三山鼎峙其  
間溪流泛漲於是作筏渡兵選鋒先占高岡諸  
賊奔入排柵滾放懸木壘石各哨官兵俱抵石  
門等逕口自二月二十八日起至四月初二日  
止次第砍開寨柵五層都指揮宋俊哨官兵攻  
破蓮花磔心山巢斬獲賊級五十二顆千戶楊  
式哨官兵斬獲賊總謝定明等并從賊級共五  
十顆指揮馬懷信哨官兵攻破螺殼中巢斬獲  
偽構承天左都元帥大賊首馮天恩并從賊級  
共八十三顆何懋哨并策應官兵共斬獲從賊  
級四十八顆宋俊哨官兵斬獲賊首鄧財銀馮

天祿盧宗當等并嶺南焦坑賊總兵國泰及從  
賊級共四十四顆各賊巢割山頂巨敵四月初  
五等日各兵攻破螺殼前巢何懋哨擒斬從賊  
七十一顆一名顆馬懷信哨斬獲賊級五十七顆  
宋俊哨斬獲賊級二十八顆楊式哨斬獲賊級  
九顆各哨官兵乘勢追剿古年螺殼中巢并蓮  
花礮心賊據螺殼絕頂并石嵯峨周圍峻壁惟  
一石門中通隙連口史番挑戰置解竹筴偷  
探路徑職等傳諭各官兵有能透頂破巢定以  
奇功論賞有鎮安府上官男岑綵計令族目岑  
伯代等選帶精兵由後壁攀崖攀藤偷占螺殼  
頂巢以銃為號四面伏兵齊攻各賊滾放標石  
各兵力戰數合賊陣敗亂宋俊哨斬獲賊級八  
十一顆何懋哨并策應官兵生擒從賊一名斬  
獲賊首黃國鸞等并從賊級共五十九顆馬懷  
信哨斬獲賊級七十三顆楊式哨斬獲賊級一  
十五顆其餘墜崖死者不計其數右哨統督左  
叅將鍾坤秀躬督各哨官兵於三月十一日行  
至中途地名破邊山峽逕遇賊一宗當督官兵  
奮敵指揮孫廷槐哨官兵斬獲賊級七顆指揮

盧金哨目兵斬獲賊級一顆各賊奔散收兵整  
隊前進十三日卯時指揮楊燁哨官兵進攻茨  
峒各賊奔巢齊集山谷鳴鑼率衆出敵我兵奮  
勇分列左右奇兵攀援後山絕頂舉炮衆兵四  
面進攻自卯至巳那地州頭目羅希元奮勇先  
登常陣斬獲賊級一顆賊勢敗却官兵乘勝斬  
獲賊級四十二顆指揮盧金哨進攻梅峒三塘  
逕下諸巢各賊排陣拒敵大雨頓作賊據高山  
兵由溪徑山水泛溢拚命衝前賊勢奔北思恩  
府頭目黃遲等當先斬獲執旗賊徒一顆官兵  
斬獲賊級十六顆指揮孫廷規進攻大水坑  
黃茅坪扛狗坑等巢賊先有備擁衆出敵領隊  
千戶慕宏奮勇向前衝敵射殺二賊下馬找功  
被賊標身死軍人郭振向救亦被標死各兵奮  
敵當陣斬獲賊級九顆賊勢少却即督中軍指  
揮武尚文官兵前去策應斬獲賊級二顆又奉  
軍門督委指揮舒煥部領東蘭州日兵山石人  
徑進協同都指揮楊燁哨官兵攻破茨峒等巢  
斬獲賊級三十二顆各賊退集後山老巢隨督  
舒煥哨官兵由茨峒後山包截以攻其右孫廷

愧哨官兵隨厚... 追襲以斷其左盧金哨官  
兵當面衝敵... 哨官兵前後協應賊各滾木壘  
石誘其盡絕我兵奮勇破巢盧金哨斬獲偽稱  
承天右部元帥大賊首李汝端偽稱破陣先鋒  
賊首陳守魁賊副秦等首級四顆擒斬從賊共  
五十九名斬獲哨斬獲賊級八顆孫廷槐哨  
斬獲賊級二顆及雲勝攻破六丁扛狗坑茶坪  
嶺等巢斬獲大木坑巢賊首黃國泰首級一顆  
從賊級四顆楊輝哨攻打埔下等巢斬獲賊級  
五十八顆哨揮孫廷槐哨內盤王峒巢深險

領田州目兵前來協力攻破各賊奔上冷水  
大山各兵奮敵郭大經哨斬獲賊首高世定等  
首級二顆從賊級十七顆孫廷槐哨斬獲賊級  
五顆中軍指揮武尚文哨斬獲賊級五顆盧金  
哨官兵追剿梅峒老巢對敵一十餘陣斬獲賊  
首洗汝器歐本結首級二顆擒斬從賊共六十  
三名顆舒喚哨官兵進剿梅峒後山擒斬從賊  
共一十三名顆餘賊潛伏官兵追剿二十四等  
日郭大經哨斬獲賊首劉積富等首級二顆從

賊級二百三十八顆盧金哨擒斬從賊級七十  
二名顆楊燁哨斬獲賊首鄧志寬首級一顆從  
賊級一百零二顆孫廷槐哨擒斬從賊共二十  
二名顆舒煥哨斬獲賊級一十五顆武尚文哨  
擒斬從賊共二十二名顆各賊漫潛大小坎冷  
水烏棚等山各巢官兵連日追搜四月初三等  
日楊燁哨斬獲首從賊級共九顆盧金哨斬獲  
賊首黃國祿陳國棟首級二顆生擒從賊二名  
斬獲從賊級六十四顆孫廷槐哨斬獲賊首歐  
廣海邵汝敬莫朝漢歐汝近梁沙良李永六雷  
國定等國貴等首級九顆生擒從賊九名斬獲  
從賊級七十一顆郭大經哨斬獲賊首楊汝敬  
馮天貴陳國泰等首級四顆從賊級一百  
六十一顆舒煥哨斬獲賊級十一顆武尚文哨斬  
獲賊首陳天旋首級一顆擒斬從賊共二十六  
名顆各處把截官兵共擒斬賊人賊級五十五  
顆四月二十二日監督僉事鄭東白考察調任  
軍門改委僉事經彥家接管監督本哨軍務會  
同統督叅將朱昇鍾坤秀嚴督各哨官兵分枝  
搜剿左哨指揮何懋哨斬獲賊級四十二顆馬

懷信哨斬獲賊級一十七顆都指揮宋俊哨斬  
獲賊級七顆千戶楊式哨斬獲賊首黃積德并  
從賊級共一十一顆右哨指揮郭文經哨斬獲  
首從賊級共六十五顆盧金哨斬獲賊首蘇汝  
定首級一顆從賊級二十九顆孫廷槐哨斬獲  
賊級共一十八顆舒煥哨斬獲賊首黃國富并  
從賊級共四顆武尚文哨擒斬從賊共一十二  
顆楊輝哨斬獲賊級一十二顆又各處把截官  
兵共擒斬賊人賊級一十一名顆通計左右二  
哨并把截官兵共擒斬二千二百六十一名顆  
俱經稟報訖五月十三日該前提督兩廣侍郎  
談離任起程隨奉軍門鈞牌仰行總理糧賞  
官督行支銀犒勞各該官兵以作勇收務將未  
殄賊徒盡數搜扒獲功解報等因該監督僉事  
經彥案備行照數支賞又奉鈞牌督催會同左  
右二哨統督官躬率各該官兵備歷進剿務期  
盡絕五月十九等日右左哨都指揮宋俊哨斬  
獲賊級一顆指揮何懋哨斬獲賊級共二十一  
顆馬懷信哨斬獲賊級五十七顆千戶楊式哨  
斬獲賊首二十四顆連日搜扒各哨官兵又共

斬獲賊級七十。穎石哨都指揮楊燁哨斬獲  
賊級一十二。穎指揮盧金哨擒斬從賊共二十  
二。各顆孫廷槐哨生擒從賊四名。斬獲賊首邵  
國定并從賊級共一十五。顆武尚文哨擒斬從  
賊共一十二。各顆舒煥哨擒斬從賊共四名。顆  
郭大經哨擒斬從賊共七十八。各顆四會縣知  
縣張文光典史曾練恩平縣知縣陸湯臣肇慶  
府通判呂天恩等各督把截官兵共擒斬賊人  
賊級并窩主共二百九十九名。顆左右二哨并  
把截官兵共計擒斬六百三十八名。顆通前共  
計左哨擒斬首從賊人賊級一千一百三十二  
名。顆俘獲賊屬四十六名。口奪回被虜婦女八  
口。奪獲賊牛六十五頭。賊馬三匹。器械四十九  
件。陣亡目兵民兵三十五名。被傷目兵民兵共  
一百六十二名。右哨擒斬首從賊人賊級一千  
五百零八名。顆俘獲賊屬一百六十八名。口奪  
回被虜婦女八口。奪獲賊牛二百零二頭。賊馬  
一匹。器械六十九件。陣亡官軍目兵打手一十  
六員。名被傷目兵打手共二百五十九名。各處  
把截等官兵擒斬賊人賊級并窩主共三百六

十五名顆俘獲賊屬五十名口奪回被虜男婦四名口奪獲賊牛二十四頭器械二十二件被傷鄉夫十名左右二哨并把截等官兵前後通共擒斬首從賊人賊級三千零五名顆俘獲賊屬二百六十四名口奪回被虜男婦二十口奪獲賊牛一百九十一頭賊馬四匹器械一百四十件陣亡官軍月兵打手民兵共四十一員名被傷月兵打手鄉夫共四百三十一名各巢賊徒搜扒盡絕呈請掣兵間又據新興恩平二縣申稱近有殘賊越出打劫申乞順發征兵掃除

各職呈請摘將見在地方鎮安府并田州各精勇目兵督令原任都指揮宋俊指揮盧金等統領該營事經彥案親詣新興住劄督據前項官兵并各營堡把截官兵陸續搜擒首從賊人盤法金等并斬獲賊級共三百一十九名顆俘獲賊屬六十四名口奪回被虜男婦二十九名口奪獲賊牛二十頭賊仗一百二十九件除督令各該營堡官兵加謹防捕并將前項各起功級俱解送紀功官審驗及將各調發目兵於八月十二日掣放休息外爲照四會地方山川險遠

嶺峒深峻以故不逞之徒盤據嘯聚僭稱名號  
動擄數千處剽焚蕩莫敢誰何茲者恭行

天討業州盡殲孽醜殫滅征討四月之餘獲功二千以  
上數年積患廓清萬姓遺寬仰蒙等因又據廣  
西按察司分巡蒼梧道僉事杜聰呈稱督備懷  
集縣地方各該營堡把截官兵人等自本年三  
月十二日起至五月十八日陸續斬獲賊首黃  
積雷等并擒斬從賊共七十八名顆俘獲賊屬  
六十四口奪回被虜一口奪獲賊牛六十八頭  
賊馬五匹賊仗一十四件陣亡頭目一名被傷

兵夫七名又自本月十九日起至七月二十五  
日止擒斬獲賊人賊級共九十五名顆俘獲賊  
屬二十九口奪回被虜一名奪獲賊牛三十七  
頭賊馬五匹賊仗一十七件通共擒斬賊人賊  
級一百七十三名顆俘獲賊屬共二百零三口  
奪回被虜二口奪獲賊牛一百零五頭賊馬十  
匹賊仗三十一件陣亡頭目一名被傷兵夫七  
名各呈到臣案查先據廣東肇慶府四會縣致  
仕吏日盧世用并該縣民洗朝舉羅景金譚子  
忭陳大用等各狀告稱本縣扶溪葵梅蓮花礮

心等山賊首馮天恩李汝端鄒財銀等鳩集扶  
黎傾水賊首歐廣海梁汝忠等併清遠縣大羅  
山賊首莫天亮等屯寨僻稱上號多則三二千  
少則三五百越出攻劫黃峒峽徑官營霸占軍  
民稅田八千餘石徧劫本縣各都大小鄉村殺  
虜燒燬難計其數告乞調兵剿除等情俱經批  
仰分巡嶺西道查議又據督備周建懷集四會  
地方指揮楊寬呈稱據緝事軍壯黃憲等走報  
有清遠四會大羅顧水等山賊首梁汝忠馮天  
恩鄧財銀馮天祿黃積德馬應龍等統帶狂賊

七百餘徒越來務本里永古嶺等處劫掠  
隨督巡捕百戶吳顯宗部領五屯獍丁單文舉  
等分抄截殺前賊又往寧峒越過開建打劫時  
有兵夫林四埔裝伏與敵殺死單文舉部下兵  
單養陳福二名搶傷潘顯等三名前項賊徒出  
至何村燒燬民人何本清等家虜去牛羊九十  
餘隻等因并據廣西懷集縣申回前因又批仰  
分巡嶺西蒼梧二道會議呈報又據廣東肇慶  
府四會縣民蘇伯簡張仲器馮廷美等各狀告  
稱嘉靖三十五年七月初九日被本縣扶溪蔡

梅大油等峒清遠大羅等山巢僞稱承天左右都元帥賊首馮天恩李汝端統集破陣先鋒陳仕魁蘇朝泰帶領五千餘徒包圍白米寨吹打銅鼓旗號橫天鳴鑼火銳般運糧米劄經五日添湊清遠懷集白芒上踰強賊如蟻逼民投降乞調官兵急救等情并據肇慶府申同前因又會批仰分巡嶺西道量調戍守日兵及南韶殺手速往截捕并行整飭嶺南兵備僉事賀鏐守備南韶清遠指揮鄭金各調撥打手統往各賊劄住地方相機剿捕及陸續督發戍守日兵并

達官舍委官統領前去并力防截又據廣東布司分守嶺西帶管分巡兵備道右叅政王國楨按察司整飭嶺南兵備僉事賀鏐各呈備四會清遠二縣里排鄉官舉監生員李道全朱正色等各呈稱四會縣扶溪葵梅等峒賊首李汝端馮天恩等清遠縣大小羅等山賊首陳汝高李子厚等招納亡叛嘯聚徒黨各稱王侯等項名號雄據一方流毒兩省焚戮淫掠生靈不勝受害乞調大兵盡行剿滅等情該道查議得前賊盤據數百餘里連擾數十餘年且敢僭擬王侯

肆無忌憚虔劉焚蕩之慘無月無之冤號痛迫  
之聲下今為烈下民何辜遭其荼毒官司何忍  
視其顛連近雖節蒙推誠撫諭增兵防守顧拔  
扈之勢非數畧所能支出狎之雄豈制挺之可  
禦若非命將遣師聲罪致討何以驅掃兇殘哉  
綏疆守哉伏乞俯從末議大行征討等因又該  
臣會同提督軍務右侍郎談 看得賊勢猖獗  
人心騷動若不亟調大兵剿滅誠恐勢益滋蔓  
釀成大患一面具本題

知一面差官齎執